



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis

Meglinger, Joseph

[S.l.], Anno MDCLXXXII.

Anni Cisterciensis Majus.

urn:nbn:de:hbz:466:1-45295



ANNI
CISTERCIENSIS
MAJUS.

1. Maij. Calende.

Vixit
ANNO
1212.



Deus
precibus
ex-
pugnat

EATA SAPIENTIA,
Cœnobij de Rameya
sanctimonialis: cujus
Angelicam vitam non
paucis favoribus cœli-
tes honoraverunt. Erat
in amoris tui delicijs miraculum illud
sanctimoniæ, Ida Nivellensis: quæ et-
si migrationis suæ definitam horam
jam diu antè per revelationem cogno-
verat; adeoque in momenta singula
illius, graviter ægrotæ, mors expecta-
retur: tuis tamen, aliarumq; precibus
victa DEI Bonitas, tredecim anno-
rum spatio illius vitam prorogavit, ac
tibi mutatæ sententiæ causas per vi-
sum indicavit: non alias nimirum assi-
gnans, quàm lacrymas & suspiria tua,
quibus, si ex tam puro corde ascendât,
nihil

nihil possit in cœlo denegari. Iisdem denique machinis veluti cœlum sanctâ violentiâ rapuisti: Sic te per sacros *amo-* Tēpus
res tuos obsecro, ut de mea nunc salute so- bene
licita, efficias, ne pretiosissimum tempus, impen-
quod Deus mihi ad agendam pœnitentiam dendū.
concedit, per sœcordiam sinè fructu dilabi
sinam, sed illud bene impendam.

B. BERNARDE Rhedonensis, *Obijt*
 ex humili discipulo S. BERNARDI, anno
 ab Eugenio III. sacro senatui purpura- 1155.
 torum Patrum adscripte, titulo Dia-
 cono Cardinalis SS. Cosmæ & Damia-
 ni. Qui haustam à sanctissimo institu-
 tore vitæ puritatem, & sæculi contem-
 ptum, pertinaciter retinens, manus tu-
 as ab omni munere tam sanctè custo- *Incor-*
 divisti, ut rarum hoc in eo dignitatis *ruptus*
 gradu elogium, cum totius orbis ap- *cultor*
 plausu, reportaveris: *Nondum natum justitię.*
esse, cujus aurum vel argentum in munus
acceperis. Quinque annis te Urbs ad-
mirata est: post quos te cœlestis Curia
ad repositam Justitię coronam evoca-
vit. Æterna nimirum lege statutum est, Justis
ut ascensurus in montem Domini ingredi- *cœlum*
atur sinè macula, & operetur justitiam. *patet.*
 Hanc tu me ita sectari doce; ut in die illa
 magna letetur cor meum, quando coram
 justo Judice non mera iniquitas, sed ve-
 ra justitia inventa fuerit in me.

P

S. Ber-

Judiciū
Dei se-
verum. Ego justitias judicabo. [ps. 74.]
*Vias justorum (ni fallor) & actus
eorum discussurum, & examinatu-
rum dicit. Verendum valde, cum
ad hoc ventum fuerit; ne sub tam
subtili examine, multa nostra justitiae (ut putantur) peccata appareant.*

2. Maij, 6. Nonas.

Obijt
anno
1616.

B. CANDIDE: qui candidam innocentiæ vestem sine macula ad decrepitos usque annos conservasti. Et quanquam inter hæreticos Hybernos educatus fueris, aded tamen à levitate morum & perverso dogmate abhorrebas, ut anno ætatis decimo sexto ex Insula fugiens, solus sine duce Romam petieris. In quo itinere mira felicitate usus es in vitandis viarum erroribus bivium enim offendens, post pronuntiata illa verba: *Vias tuas, Domine, demonstra mihi, & semitas tuas edoce me:* clausis oculis progressus es, ac per callem, in quo perrexeras, semper ad desideratum locum ferebaris. Romæ in amicam contraneum incidisti: à quo ductus

ductus in Hispaniam, ut internum vi-
 tæ candorem ejusdem coloris veste au-
 geres, in monasterio Nucalensi Cister-
 censem habitum induisti. Ubi cum
 in te, jam ad sacros Ordines promotus, *Apostolico spi-*
 Superiores spiritum verè Apostolicum *lico spi-*
 cernerent; in patriam te remisere. In *ritu in*
 qua ut securiùs veritatis catholicæ se- *Hyber-*
 mina spargeret; dissimulato in publi- *niam*
 cis congressibus monacho, sub medici *redit.*
 persona aditum tibi ad summos infi-
 mósque fecisti. Et licet arti medicæ *medicū*
 nunquam studueris, feliciter tamen *agit, &*
 morbos gravissimos perlanasti: divinâ *multos*
 utique virtute exilibus herbis, à te por- *cōversit*
 rigi solitis, infusâ; dum & oculis capti
 visum, & mortui vitam simplici illo
 remedio recuperabant. In his sanctis
 laboribus, collecto ingenti animarum
 lucro, vitam horâ pridem præcognitâ
 clausisti, summo catholicæ plebis do-
 lore. *Tota vitæ hujus peregrinatio bivium*
 intricatur, quæ concupiscentia blanditijs, *Bivium*
 Deus æterni gaudij promissis consternit. Tu *salutis.*
Deus æterni gaudij promissis consternit. Tu
averre oculos meos, ne videant vanitatem,
clausisque mundo oculis curram semitas
mandatorum Dei.

B. MAFALDA, Castellæ Regina:
 quæ regio thoro immaculatum Chri-
 sti thalamum prudentissimè antepo-
 nens, in Parthenone Aroucensi desti-
 natum

Obiit
 anno
 1252.

Gemæ
virtu-
tum.

Corpus
à 400.
annis
integrū
manet.

Magna
Dei di-
gnatio
erga
homi-
nem.


natum coronis verticem, humili Velo Cisterciensi obnubilâsti. Et ne deessent congruę huic diademati virtutum gemmæ, illas vel sanguine tuo rubentes flagellis; vel cæruleas assidua cœli contemplatione; vel in adamantis naturam duras, victûs austeritate composuisti. Neque magnetica vis amoris divini desiderabatur; qua multos à virgineo Sponso favores & prodigia, ac denique ipsum ad te cœlum attraxisti. Immortalis tuæ coronæ etiam corpus est particeps; quod ab annis inde 400. integrum & incorruptum asservatur. Cedant nunc merita tua in ornamentum deformatæ animæ meæ. Amabit sic pulchram cœlestis sponsus, nec excludet à nuptijs æternæ vitæ.

S. BERNARDUS, ser. 52. in Cant.

Non me capio præ læticia: quod illa majestas tam familiari, dulciq; consortio, nostræ infirmitati se inclinare minimè dedignatur: & superna Deitas, animæ exulantis inire conubia, eiq; sponsi, ardentissimo amore capti, exhibere affectum non despicit.

☞ (90)

3. Maij



3. Maij. 5. Nonas.

ALEXANDER: qui suafu ductu. *Obijt*
 que sororis tuæ Mechtildis, relicto *anno*
 regno, clam è Scotia in Picardiam fu- *1217.*
 giens, ibidem in monasterio Fulniaci
 pro sceptro baculum, agendis pecori- *Regnū*
 bus aptum, pro purpura servilem con- *terrenū*
 verforum cucullam apprehendisti. So- *deserit,*
 li DE O nota erat generis nobilitas;
 latentem tamen majestatem prodebat
 tum frontis jubar, tum animi magni-
 tudo, grande quidpiam observantibus
 insinuans. Quod suo bono expertus
 fuit vir quidam nobilis: qui venandi ar- *ursam*
 dore in patentes campos (ubi armenta *sternit:*
 pascebas) delatus, imminentis ursi ra-
 biem jam frustra effugere quærebat.
 Cujus trepidationem cernens, arrepto
 ex pallentis manu telo, formidabilem
 belluam uno ictu confecisti. Hujus-
 modi gestis, præter alia virtutum ope-
 ra celebris, genus tamen manifestare
 non sustinebas, nisi novi regni heres. *glorio.*
 Mox autem post felicem obitum cui- *sus ap-*
 dam fratri te per visum exhibuisti, co- *paret.*
 ronam in capite, aliam manu gestans,
 cum dicto: *Corona, quam in manibus te-*
neo, corona extitit temporalis, quam dese-

P 3

rui

rui: illa, qua caput ornatur, corona est, Jus ad quam communem cum sanctis accepi. Etiam cœlum, mihi Unigenitus Dei Filius suo Sanguine jus ad regnum cœleste acquisiuit: de qua licet miser per peccatum exciderim, spem tamen concipio restitutionis, si tua intercessione & patrocinio me Judici Clementissimo commendaveris.

Floruit B. WALTERE, itidem ex regia circa Scotorum familia oriunde; & pariter annum vilia fratrum Conuersorum munia, 1163. pomparum terrenarum fastui præferens in Meylrofa: ubi hospitem obsequio deputatus, ut charitatem pleno sinu posses effundere, prodigiosa de cœlo subsidia tulisti. Laborabat ali-

Unico pane plurimos satiabat. quando cœnobium gravi penuria frumenti: qua durante, panem hospitibus eundem, semperque integrum longo tempore apposuisti, nihil omnino decrescentem, cum tamen non pauci ex illo quotidie saturarentur. Finem autem miraculo fecisti, mox ut illud in vulgus fama produxit; vanæ gloriæ tineas humilitati magis, quam panis metu-

Angelum suscipit hospitē. ens. Aliàs cum tres in monasterium peregrinos induxisses; tertium nemo, præter te, aut vidit aut agnoyit. Quis verò ille fuerit, eadem nocte secundum quietem intellexisti: dum sub habitu illius hospitis Angelus monasterij Tutelariorum

Tutelaribus in hæc verba te allocutus est.
 Fixum, aiebat, teneas, quod eleemosynæ,
 & orationes vestræ ascendunt ante Domi-
 num. Sancti Walleni Abbatis tui obi-
 tum cum graviter infirmus, ob visio-
 nem quandam, Romæ de ipso factam,
 anxie deplorares; ipse te ostensione suæ
 in cælo gloriæ consolari, & in veritatis
 testimonium integræ sanitati restituere
 dignatus est. Jam gnarus, quale ho-
 spitium Deo maximè placeat, doce me cor-
 dis mei tricliniū tali ornatu comere, ut ad
 illud suā gratiā divertere non dedignetur
 dulcis hospes animæ Jesus.


Anima,
 hospiti-
 ſium Dei.

S. BERNARDUS, ser. 46. in Cant.

Non putes, de propria amore quie-
 tis, sanctæ obedientiæ actibus, senio-
 rumve traditionibus, præjudicium
 ullatenus faciendum: alioquin non
 dormiet tecum sponsus in lecto uno,
 illo præsertim, quem tibi pro obedi-
 entia floribus, cicutis, atq;
 urticis inobedi-
 entia
 aspersisti.

sponsus
 dormit
 in lecto
 obedi-
 entiz.





4. Maij. 4. Nonas.

Floruit
anno
1621.

B. DIDACE, Donate Ordinis Cisterciensis: qui in Valle Paradisi apud Hispanos longo tempore sanctissimè conversatus, admiranda simplicitatis & humilitatis exempla reliquisti. Cui DEUS inter orandum coelestia arcana, & divina mysteria patefecit, rerúmque futurarum eventus indicavit. Vir eras in oculis tuis humilis & abjectus; sed in conspectu DEI & hominum verè magnus: diabolicis verò spiritibus adeò formidabilis; ut tuam præsentiam non ferentes, malè occupata hospitia deserere cogentur. Trophæa hæc erant innocentiae tuæ; quam in tam illibata munditie conservâsti; ut cùm in mortuali lectulo totius vitæ noxas sacro Judici detegeres, is divinam in te gratiam obstupescens, testatus fuerit, se nullius peccati letalis te reum deprehendisse. Locus sepulturæ designatus est in templi ambitu, in quo, velut præviso expectationis tuæ domicilio, plerasque noctes in oratione vigilaveras. *Descendam & ego seriâ ac frequenti meditatione in locum illum horroris. ac tristissimæ solitudinis,*

Fugat
damo-
nem.

Innocē-
tia vitæ

ubi fetidum hoc cadaver vermes depas- Mortis
centur: scio, etsi non latior, nunquam ta- memo-
men non melior ex illa fovea redibo. ria.

B. CATHARINA: quæ Judæis *Obijt*
 parentibus Coloniae Agrippinae nata, anno
 singulari DE I favore præventa, non- 1222.
 dum completo sexennio, altiore quàm
 pro ætate prudentiâ, mirari primùm
 Christiani ac Judaici nominis discrimen,
 paulatim verò illud huic præferre,
 & præsertim ad dulcissimum M A- *Audito*
 RIÆ nomen ingenti gaudio perfundi *Mariæ*
 cœpisti. Quod ut tantò sæpius audi- *nomine*
 res, furtivè subductos panes egenis di- *exultas*
 stribuebas, toties in lætitiæ lacrymas
 soluta, quoties M A R I Æ invocatio
 petentium, aut gratias agentium ver-
 bis miscbatur. Migrante Lovanium
 patre, Reynerum, notæ pietatis Pres-
 byterum, rogâsti, ut te in Fidei myste-
 rijs erudiret. Id aliquamdiu, nemine
 piam fraudem advertente fecit. Sed
 per servorum nequitiam prodita, &
 jamjam in custodiam raptanda, à cœ-
 li Regina jussa es fugam arripere, & ad
 monasterium Parçę Dominarum pro-
 perare. Ibi salutaribus undis abluta, *Bapti-*
 Rachelis appellationem in Catharina *zatur.*
 vocabulum mutavisti. Quo audito,
 parens nullum non lapidem movebat,
 quò te in suam potestatem redigeret.

P 5

Nam


*Variè
impu-
gnatur* Nam provinciæ Ducem, quin & Epi-
 scopum homo pecuniosus aureis telis
 ita sibi fecit obnoxios; ut n̄ invocatus
 fidelium animarum Pastor Honorius,
 suam interposuisset auctoritatem, pa-
 rum abfuerit, quin te Christi oviculam
 lupi diripuissent. Alio postmodum a-
 riete, blandimentorum scilicet, expu-
 gnanda, parentum & cognatorum ad-
*insidijs
elusis,* ventum ex tetri foetoris (qualis Judæ-
 orum esse solet) signo præsentiens, Ab-
 batissam rogavisti, ne illis tui videndi
 copiam faceret. Jam sacro Cisterciensi
*causam
dicit,* Velo armata, ut tot bellis finem im-
 poneres; ad publicam Juris disceptati-
 onem prodire minimè verita, coram
 emptis à parente causidicis, tam gene-
*Et vin-
cit.* rosâ mentis constantiâ, & simplici li-
 cèt facundiâ tuam causam perorâstis
 ut pios ad lacrymarum imbrem, hos-
 tes ad vana minarum tonitrua ade-
 geris. Deinceps enim ab incurfibus li-
 bera, unam hanc suscepisti curam; ut
 Liberatrici tuæ diu noctûque præana
 cantares: à qua vicissim multos favo-
 res, grâtiâ patrândi miracula, & ali-
 as insignes consolationes ac denique
 cœlestem gloriam in summa senectû-
 te accepisti. *Floruisti sanè inter spinas
 liliûm: quæ te ut non otiose circumdedere,
 ita sub potentiissimo Mariæ patrocínio reli-
 querunt*

querunt innoxiam. Roga eandem inferni
domitricem, ut me inter spinas tentationū
periclitantem non permittat hostibus salu-
is succumbere.

S. BERNARDUS, ser. 48. in Cant.

O candens lilium! O tener, & deli-
cate flos! Increduli & subversores
tecum sunt: vide, quomodo cautè am-
bules inter spinas. Plenus est mun-
dus spinis: in terra sunt; in aëre
sunt; in carne tua sunt. Versari in
his, & minimè ladi, divina potentia
est, non virtutis tuae.

Tenta-
ri, & nō
vinci,
divinæ
virtutis
est.



5. Maij, 3. Nonas.

S. MARTINE: qui cū ob sangui-
nis nobilitatem, & præstantissimas
naturæ dotes, in magnam spem gene-
ris à parentibus educareris; amisso in-
ter adolescentiæ flores patre, ipse quo-
que mundo valedicens, Ordinem Ci-
sterciensē in cœnobio Hortensī am-
plexus es; juvante, & promovente pi-
jissima matre; quæ te cū amplo pa-
trimonio per solennem donationem
Blasio, tunc ejusdem loci Abbati, ob-
tulit.

Obijt
anno
1213.

*Juve-
nis eli-
gitur
Abbas.*

*à Rege
invisi-
tur.*

*spolijs
hostijs
dona-
tur.*

*Episco-
pus or-
dina-
tur.*

tulit. Quanta vitæ puritate, & virtu-
tum laude primos sex religionis annos
peregeris, ex eo clarum est; quòd te vo-
tis communibus jam tum in Blasij suc-
cessorem elegerint Hortenses. Regi-
men porrò tuum D E O acceptum esse,
filiorum docuit sanctimonia, quos ad
omnem perfectionem erudiebas: sed &
Regibus gratum; utpote qui ad Hor-
tam non semel tantùm accedere, ac te
familiariter invisere dignabantur. Ea
denique fuerat sanctitatis tuæ venera-
tio; ut bellorum duces & milites sibi
certam de hoste victoriam polliceren-
tur, si tuis auspicijs, & fausta precatio-
ne muniti, prælia inirent. Quæ bella-
torum fortuna in maximum cœnobij
incrementum cedebat: dum grati vi-
ctores opima spolia tecum, velut tri-
umphorum causâ, liberaliter partici-
bantur. Vacabat inter hæc Sedes Se-
guntina: cui, postquam viginti annos
monasterium gubernaveras, cum toti-
us regni gratulatione impositus, effe-
cisti, ut tam clero quàm populo ad tu-
arum virtutum exempla conformato,
Sponsam sic exornatam, cum gloria
alterius curæ tradideris; atque ad Hor-
tam tuam te denuo receperis. Ubi pri-
stina vitæ monasticæ exercitia, cum
incredibili animi demissione resumēs,
summo

summo perfectionis apice conscenso, non habebas ultrà, quo enitereris, nisi in cœlum. Utrobique autem relicto tui ingenti desiderio, & Hortensibus, & Seguntinis sua vota implevisti. Non longè enim ab obitu, Juvenis quidam *Angelus caput illi* peregrinus (cujus originis fuerit, exitus probavit) aspectu pulcher, Episcopo *us Seguntium* successori & Canonicis caput attulit, cum dicto, id esse cujusdam magni Sacerdotis, olim illius civitatis Episcopi. *defert.* Quibus dictis bajulus ille evanuit. Sacra exuvia cum decenti veneratione susceptæ, cum pluribus in dies miraculis illustrarentur, nemini jam dubium erat, quin sub tuo nomine colendæ forent. Sed omnis controversia dirempta est, quando multis post annis corpori è terra elevato caput deesse compertum est, cum de cætero esset incorruptum: indeque firmata fides, quòd ab Angelo sub Juvenis persona Seguntum translatum fuerit. Atque hinc est, cur te sancti Sacerdotis titulo, ut per oraculum indito, publicis ritibus Ecclesia honoret. *Præserva me, Magne Sacerdos, ut nihil operis aut cogitationis admittam, quod plusquam Angelicæ dignitatis officium dedeceat: ne pretiosissimum æternæ salutis remedium, mihi vertatur in judicium & condemnationem.* *Alta sacerdotis dignitas.*

Beati plusquam centum Monachis qui ab hæreticis Gallicanis per varia tormenta cruciati, candidam Cistercij gloriam, vestri sanguinis purpura tinxistis. *Coronam, quam recepistis, & quam ego à Dei bonitate exspecto, sola tollet, quæ illam vobis contulit, perseverantia. Hanc mihi à Deo, nec enim majus aliquid rogare possum, per merita vestra impetrate.*

Perfe-
verãtia.

Vixit
circa
annum
1229.

Humi-
litas.


B. ALEIDIS, prima Vallis Ducis Abbatissa, ex primæ nobilitatis parentibus Brabantinis nata: quæ cum ingenij bonitate, & acceptis à superna gratia virtutibus esses clarissima: humilimarum tamen functionum studiosa, nihil gloriosius esse ducebas, quàm nomen ancillæ pauperum: quibus ea demissione animi serviebas, qua Christo corporaliter præsentis fuisses famulata. *Didicisti nimirum à Christo, cui te totam addixeras, pretium & præmium humilitatis. Utinã & me ad eam sectandam tam valida incitamenta excitarent!*

S. BERNARDUS, ser. 16. in Cant.

Quæ fit
vera
humili-
tas?

*Appetere de humilitate laudem humilitatis non est virtus, sed subversio. Verus humilis vilis vult reputari, non humilis prædicari. Gau-
det*

det contemptu suo: hoc solo sanè superbus, quòd laudes contemnit.



6. Maij. Pridie Nonas.

B PETRE, Prior monasterij Alva-
strensis in Suecia: qui dum in gra-
vissimis pro monasterio, & animarum
salute laboribus agitabaris, famem, si-
tim, pericula itinerum, contumelias,
& mille alias molestias æquissimo ani-
mo supportasti. Quarum afflictatio-
num sublata occasione, ne patientiæ
suum deesset alimentum, nec tamen
infirmi novitate rigoris turbarentur,
extra clausuræ septa habitaculum ele-
gisti: in quo humanæ vitæ fomentis,
cibo somnòque, vix non omnino ex-
clusis, Angelus terrenus inter cœlestes
vixisti, cum paulò minor ab illis feli-
citas tibi ad intuenda divina mysteria
diu noctúque illucesceret. Iisdem ju-
bentibus, Revelationes S. Birgittæ in
unum volumen conscriptas, vulgasti.
Neque difficilis tibi fuit ad cælum via;
quod nimirum adhuc mortali semper
patere solebat. *Cæcitatæ nostræ vitium*
est, si cælum ignoramus. Lux illa stella-
rum serena, tot monstrat causas amoris in
Creatorem, quot radios emittit. Oriatur in
corde

Obijt
anno
1378.

Vita
Ange-
lica.

Lumen
amoris
divini.

corde meo; te accendente, hoc indeficiens lumen, meque totum rapiat in illum amorem, quo solo beata erit eternitas.

Circa B. HENRICE: qui cum in mune-
annum re Episcopali negligentius, quam de-
1260. cebat, ovium creditarum pastorem a-

Admo- tum ostendit: cumque primo intuitu
netur verba illa occurrerent: *Mortificas ani-*
cura *mas, que non moriuntur, & vivificas,*
salutis *que non vivunt: perterritus, vultum a-*
per vi- vertebas. Illo autem urgente, ut plura
sum. legeres; vidisti in margine scriptum;

Quando reduces animas de inferno, quas per tuum destitutas exemplum eterno supplicio tradidisti? Ita visio quidem ab oculis, sed non ab animo evanuit. Idcirco ut reddendam rationem ex parte minueres, ac tuæ salutis melius invigilares; relicto pastoralis officio, ovium te gregi in monasterio Camberonensi adjunxisti: ibique tum animi mansuetudine & humilitate, tum vitæ rigore & pœnitentiæ operibus dignum te reddidisti, qui inter oves electas ad cœli pascua deducereris. Egerem & ego se-


Vigilã- *pius ejusmodi monitore, dum seposita salu-*
tia. *tis æternæ curâ, in veteratæ negligentie in-*
dormio. Tu Petrum age: & stertentem ad
serias tandem vigilias excita.

S. Ber.

S. BERNARDUS, ser. 21. in Cant.

Cum te torpore, acediâ, vel tadio
affici sentis; noli diffidere, aut desi-
stere à studio spirituali: sed iuvantis
require manum, trahi te obsecrans,
sponsæ exemplo.

Torpor
spiritus
fiduciâ
superâ-
dus.



7. Maij. Nonis.

B. GOBERTE, Comes Asperi mon-
tis in Lotharingia, ut genere ac di-
vitijs potens; ita non minus magnani-
ma belli virtute celebris: qui proprijs
opibus militum copias contra Sarace-
nos, ad recuperandam Palæstinam, e-
ductas, multis tuo ductu victorijs in-
clytas fecisti: tunc maximè de palma
lætus, cum ex manubijs egeni ditesce-
rent: quorum pater ac tutor vulgò au-
diebas. Sed gloriæ majoris avidus, ut
de mundo ac teipso triumphum ador-
nares, Cisterciensibus in Villario no-
men dedisti. Hic arma in temet con-
vertens, vitæ austeritate, vigilijs (ad
quas te per varios cruciatus excitare
solebas) & orationum instantiâ, emi-
nebas præ multis: veluti etiam prodi-
giorum famâ: quibus post acceptam
in cœ-

Circa
annum
1240.

Miles
pius &
fortis,


& in se
rigidus

Vincē-
dum,
aut pe-
reundū *est pugnandi in hac vita necessitas, ut ne
fugæ quidem remaneat locus: sed, quod
Romanus ille Imperator dixerat, vincendum
sit, aut pereundum. Tu mihi, ne hostibus
succumbam, tuum de cælo robur submitte.*

Circa
annum
1200. *B. ADAME, Abbas monasterij de
Trappa, egregiarum virtutum exem-
plar, & miraculorum patrator. mirifi-
ce: qui postquam monastici rigoris ob-
servantiam in provincia Parthica insti-
gniter promovisses, multosque ad eam
amplectendam doctissimis exhortati-
onibus invitasses, plenus diebus ac me-
ritis migrasti ad Dominum. Usinam
ego tuum in conquirendo spiritali lucro
fervorem aliquatenus imitarer, & veluti
tu proprio profectu non satiatus, etiam a-
liorum salutem promovisti: ita ego in quo-
tidianas augendi meriti occasiones studio-
sius intenderem.*

Profici-
endi
studiū. *S. BERNARDUS, ser. 47. in Cant.
Nequaquam sufficit, semel vel secun-
dò operari, quod bonum est, nisi ince-
santer addas nova prioribus, quate-
nus seminans in benedictionibus, de
benedictionibus & metas.*

8. May.



8. Maij. 8. Idus.

SPETRE: qui ad omnem pietatem
 à parentibus assuefactus, in mona-
 sterio Bonævallis vitæ sanctioris no-
 vos natales accepisti. Admirabantur
 in te Superiores hilarem, & ad omnia
 promptam obedientiam: æquales cha-
 ritatem, nullis obsequiorum laboribus
 fatigabilem: inferiores tuum in rebus
 divinis ardorem, despoticum in passi-
 onum turbas dominium, aliáque vir-
 tutum decora, velut in speculo intue-
 bantur, ex quo perfectiónis summæ
 compendiosam viam ediscerent. Un-
 de cum ad construendum Stamediense
 monasterium cohors fratrum è Bona-
 valle esset emittenda; tu octavo non-
 dum finito in Religione anno, iisdem
 Abbas designatus, ea jecisti fundamen-
 ta, quæ sciebas in maxjmam altitudi-
 nem surrectura. Pauperes tam liberali
 commiserationis affectu complecteba-
 ris; ut non solùm illis mensa tecum es-
 set ubique communis, sed etiam, ut ij
 foverentur, tu detractâ exteriori veste
 algebas: ut lautè cibarentur, herbis, &
 aqua mensam tuam instruebas. Effun-
 debat se idem charitatis ardor in alios
 etiam

*Obijt**anno**1174*

*Adhuc
 tyronis
 summæ
 virtu-
 tes.*

*Fit Ab-
 bas Sta-
 medi:*

*libera-
 lis in
 egenos.*

*Mira-
cula
patrare
incipit.*

*Ejus jã
Archi-
episcopi
labores*

*Solici-
tudo,*

*libera-
litas.*

etiam, quacunq; demum ex miseria
tristes: dum cuidam nobili foeminae,
precibus tuis quindecennem sterilita-
tem abstulisti; alterum, cui paralyfis
omnia membra ligaverat, non secus
ac olim Servator noster, tollere graba-
tum suum, & ambulare jussisti. Notis-
simam ex his prodigijs sanctimoniam
tuam Clerus Tarantasiensis ad thro-
num Archiepiscopalem vocavit: cui
electioni nunquam consensisses, nisi te
Capituli Generalis, & BERNARDI
authoritas compulisset. In hujus mu-
neris administratione si tuos in refor-
formanda Diœcesi labores recensere,
si charitatis & humilitatis actus in-
numeros, si miraculorum catalogum per-
texere esset in animo, prolixum volu-
men impleri necessè foret. Nullam e-
nim Ecclesiam in toto districtu omisi-
sti, quam non digno Pastore, & de-
centi suppellectili ornaveris. Nemo fuit
ex omni gentium numero, qui libe-
ralitatem tuam non senserit: imò vel
nunc non sentiat in pluribus xenodo-
chijs ac monasterijs, quæ aut noviter
erexisti, aut è ruderibus extracta, red-
ditibus auxisti. Id ex millibus memo-
rabile; quòd quadam die Dominica
aliquot mille pauperes, pro more ad
curiam tuam accurrentes, unicâ perna
&

& modica viciarum quantitate (quinque vix hominibus in unius diei alimoniam sufficiente) satiatos dimiseris: luce diei citiùs, & qui peterent, deficientibus, quàm qui darent. Alio tempore ultrà duodecim horas in edita turri, ligneis cancellis, ne ab irruente multitudine opprimereris, munitus, continua manuum impositione ascendentes vel allatos per unam cochleam infirmos excepisti, per alteram descendentes cum gaudio receptæ sanitatis, emisisti. Eadem series prodigiorum te per urbes pagosque iter facientem ubique comitabatur. Cùm autem jam publica vox populi te, ut verè sanctum deprædicaret, metu vanæ adulationis, fugâ in Germaniam arreptâ, ferè per annū latuisti ignotus. Quo quidem tempore fortunatissimus tibi videbaris, cùm inter monachos ultimo & neglecto, una esset, sinè negotiorum strepitu, cum DEO familiaritas; nunquam interrumpenda, nisi pauperum clamor, cœlo vim inferens, effecisset, ut agnitus ad tuos incredibili plebis jubilo reducereris. Inde ad publica orbis negotia vocatus, discordantes inter se Reges ac Principes, aut eloquentiâ divinâ persuasisti, aut signis miraculorum adegisti ad pacem.

Expertus

*Modico
cibo in-
gentem
multi-
tudinē
satiat.*

*Prodi-
gia in-
nume-
rabilia*

*Fugâ
honore
decli-
nat.*

*Schis-
mati se
opponit*

*illius
vestigi-
a mira-
culis
clara.*

*Sepul-
chrum
ex pro-
digijs
glorio-
sum.*

Expertus est hos laborum tuorum fru-
ctus Alexander III. Pontifex, pro quo
in feralem schismatis furibundi silvam
primus te, & propè unus, immisisti. Hic
iterum prodigiorum armis pugnarum,
relictis per omnes regiones peragratas
sanctimonix tuæ vestigijs: verè vesti-
gijs: nam & illis vim divinam impref-
listi. Cujus rei memoria celebris extat
haud longe à monasterio Bellæ vallis:
ad quod dum senio ac defatigatione
debilis properares, in loco, ubi parum-
per quietis ergo resederas, incolæ cru-
cem fixerunt, multis postea miraculis
celebratam. Itaque ad Bellam valem
delatus, cum te in optata mortis vic-
inia esse, lætus agnosceres, post susce-
pta miro devotionis ardore Sacra-
menta, expletis in Præfulatu annistri-
ginta tribus, animam de tota republi-
ca Christiana quamoptimè meritam,
in medio plallentium confratrum ad
coelos emisisti. Corpus per biduum
pro devotæ plebis solatio expositum,
quot beneficia in supplices distribue-
rit, obstupescere quivis potuit, dinu-
merare nullus: veluti etiam illa, quæ
cum temporis decursu ad sepulchrum,
verè gloriosum, picturarum antiqua,
& recentia monumenta ostendunt.
*Non sola Bella, sed tota hæc lacrymarum
vallis*

vallis sit medicâ manu tuâ felix: in una
anima mea invenies sat copiosam infirmi-
tatum materiam, ex qua miraculorum
numerum augeas.

B. GALTERI, Clarævallis Con-
verse: qui humili, & miram dulcedi-
nem spirante charitate, ad omnium
obsequia promptus, quanta essent tua
apud DEUM merita, à familiari aliàs
tibi Angelo discere meruisti. Vocabat
ille te per visum ad Ecclesiam, jussitq;
vestimentis Sacerdotalibus indutum,
Sacrum de Spiritu sancto dicere: cui
refragari non ausus, licet literarum ru-
dis, injunctum munus feliciter exple-
visti. Ac ne somnium inane crederes
fuisse, singula per ordinem illius Missæ
verba ita memoriæ inhæserunt, ut sine
hæsitacione illa jussus recitares, & usq;
ad beatam mortem libri instar essent,
ex quo devotæ contemplationis & o-
rationis gustum hauriebas. Felix fuit
simplex ignorantia tua, qua sic divinitus
erudiri promeruit. Quot horas in vana
& inuili lectione combussit curiositas
mea! Tu doce me legere, prout suadet

Floruit
Circa
annum
1151.

Visto-
nemira
erudi-
tur.


Legenda
utilia.

S. BERNARDUS, ser. 36. in Cant.

Quid est, sapere ad sobrietatem?
[Rom. 12.] Vigilantissime observare,
quid

Quisnā
scienti-
a fit
utilif-
simat

quid scire magis, priusve oporteat.
Tempus enim breve est. Est autem,
quod in se est, omnis scientia bona,
quæ tamen veritate subnixa sit: sed
tu qui cum timore & tremore tuam
ipsius operari salutem pro temporis
brevitate festinas, ea scire prius am-
pliusq; curato, quæ senseris viciniora
saluti.



9. Maij. 7. Idus.

Obijt
anno
1165.

B. P E T R E, Alphonsi primi Lusita-
norum Regis frater: qui negotio-
rum causâ ad Claramvallem missus,
dulcissimo BERNARDI colloquio
in tantum captus es, ut eidem promi-
seris, dimissâ profanâ, sacram sub Ci-
stercio militiam sequi. Verùm cum &
ingenti corporis specie, & robore nulli
esses ea tempestate secundus; præterea
multis Maurorum victorijs inclytus;
evanescere inter blandientis fortunæ
& armorum strepitus, pius ille spiri-
tus cœpit. Cùm idem, à quo illum ac-
ceperas BERNARDUS, tibi per vi-
sum candidam cucullam obtulit: reni-
tenti primùm; quam tamen, promisso
in me.

S. Ber-
nardus
illum

in memoriam redeunte; gratanter acceptatam in Alcobatia induisti. Sed animum inter belli pericula imperterritum penè deiecit monastica sobrietas; cum vastum corpus castrensi assuetum luxui frugalem Regulæ parsimoniam non ferret. Adhibuisti quidem compescendo malo flagella, aliásque pœnalitates; frustra tamen, nisi in auxilium vocata castrorum acies MARIA impresso fronti tuæ Crucis signo, hoc animi carnísque dissidium composuisset. Porrò quàm rigidam à te disciplinæ observantiam exegeris; vel ex hoc uno liquet: quòd cum te quispiam pristinæ militiæ consors inviseret, & jactantiùs de bellicis facinoribus disseruisses: ejus sermonis noxam septem mensium silentio ita castigaveris; ut nullum verbum, nisi in oratione protuleris. Sic texens victorijs victorias, evolâsti ad immarcessibilem coronam in regno, quod non nisi victores admittit. Id sanè insueti luminis, odorísque amœnitas in obitu totam domum perfundens, manifestè indicavit. *Gaudeo de triumphis tuis: nec ignoro, quibus armis illos comparaveris. Tu modò firmato manus meas in certamine: cadet utiq; in conspectu meo adversarius, si illi sit cum duobus congregiendum.*

Tentationes vincit ope B.V.

Incautum sermone rigidè punit.

Auxilium in pugna.

Q B. G E-

*Circa
annum
1135.*




B. GERARDE: qui abjecto militari balteo, quo eras famosissimus; relictis prætereà divitijs longè maximis, inter pauperes Villarij Conversos tot virtutum titulis claruisti, quot olim inter arma trophæis. Sed feliciùs sub vexillo Christi merébas; sub quo nempe sanctimonie gloriam, & pro stipendio cœlum reportâsti. *Culpa excusabilis est, aberrare à via, quam nulla vestigia notaverint. Recta in cœlum via mille sanctorum, atque ipsius Dei-Hominis vestigijs trita est. Quis proinde rubor erit, per illa progredi nolentis?*


*Via in
cœlum
est nota*

S. BERNARDUS, ser. 47. in Cant.

*Christi
exem-
plum
incitat
ad pu-
gnam*

Tu, Domine Jesu, doces manus meas ad prælium exemplo virtutis tue, tu caput meum post victoriâ tuæ coronas præsentia majestatis. Sive quia pugnâtem te specto; sive quia te expecto non solum coronantem, sed & coronam: in utroq; mirabiliter tibi me allicis; uterq; funis violentissimus ad trahendum.





10. Maij. 6. Idus.

PETRE: qui inter arma educatus *Obijt*
 aliud vitæ genus; præter bellicum, *circa*
 propemodum ignorabas. Et cum ro- *annum*
 bore membrorum emineres, audaciam *1175.*
 iuvante fortuna, non inglorius milita-
 bas. At postquam seriâ æstimatione
 pensabas, quàm tristi fato quotidie so-
 cij raperentur, sinè præmissa cura bea-
 tæ mortis: tædere te cœpit periculosi
 laboris, cuius minerval tandem non
 foret aliud, quàm pœnitenda æterni-
 tas. Igitur melioris militiæ Duci BER-
 NARDO in Claravalle nomen dedisti.
 A quo, dum erat superstes, pijsimè in-
 structus, DEO in vera simplicitate cor-
 dis serviebas. *E. vivis autem transla-*
 tus dulcissimus Patens, tibi in splendi-
 da luce apparuit, ac cœlesti doctrina
 tam prodigiôsè imbuit, ut, licèt antea
 nomen idiotæ tua tibi simplicitas im-
 posuerit, ab illa hora eruditissimum
 quemque superares. Accessère huic
 prodigio plura alia per manus tuas pa-
 trata; uti & revelationes rerum divi-
 narum, quibus utque ad felicem vitæ
 finem illustrabar. *Quàm necessarium*
mibi sit interius animæ lumen, etsi miser
cum dolore sentiam, ex hac tamen caligine
Q₂ nunquam

S. Ber-
nardus
ex rudis
facit
doctum

Lux
animæ.

364 ANNI CISTERCIENS.

nunquam emerſurus ſum, niſi per interceſſionem tuam fiat, ut illa lux vera, quæ illuminat omnem hominem venientem in hunc mundum, illuminet tenebras meas.


Obijt circa annum 1184. B. TERESIA, Regum Aragoniæ ſtirpe oriunda: quæ ſtatim poſt nuptias vidua, ex bonis mariti, ad te heredem ſpectantibus, inſigne monaſterium de Gradefes condidiſti: quod juxta dotem ampliffimam, alijs poſſeſſionibus auctum ſedecim annis ſub Inſtituto Cifterciendi ſanctiſſimè rexidiſti, atq; poſt obitum ſepulchro miraculis glorioſo decorâſti. *Ora pro me, ut regni celeſtis hereditatem, per peccata mea perditam, bonorum operum pretio recuperem.*

Circa annum 1235. B. JOANNES, olim Canonice regularis: ſub qua regula quanto pietatis fervore vixeris, declaravit ardens deſiderium, quo ad ſupremum perfectionis gradum contendebas. Hoc ipſum nempe ſtudium te perſuaſit, ut relicto mitiori Inſtituto, Cifterciendiſe in Villario amplexus fueris. Ubi probatus inventus, ſacraſtis DEO virginibus in moderatorem datus es: quas non ſolum verbo & exemplo fideliter inſtruxiſti, ſed etiam doctis lucubrationibus, quæ feceris & docueris, poſteritati voluiffi eſſe teſtatum. *Rara eſt illa felicitas, qua ſupremus perfectionis apex attingitur.* Co-
natus

natus tamen veluti omnibus incumbit: ita Cona-
 nemini difficilis est; minus impossibilis, nec tus pius
 sua mercede vacuus. Tu me meritis tuis
 in hoc saltem conserva & conforta.

S. BERNARDUS, ser. 47. in Cant.

Neceſſè eſt ſanè reparare frequen- Nun-
 ter, & ſemper recentiores apponere quam
 flores, quòd diu odorem ſuum minimè ceſſan-
 retineant, nec decorem. Alioquin ja- dum in
 cet & marcet flos boni operis, atq; in via per-
 brevi omnis ex eo nitor exterminatur fectio-
 & vigor; ſi non alijs atq; alijs ſuperje- nis.
 ctis pietatis actibus, continuè repare-
 tur.



II. Maij. 5. Idus.

B. GUIDO, ſanctiſſimi Patris BER- Obijt
 NARDI frater natus maxime: cui anno
 te ad mundi contemptum vocanti, fa- 1136.
 cillimum præbuiſti aſſenſum. Et con-
 jux quidem juvencula, jamque filiabus
 fœcunda, pio conſilio pertinaciter ob-
 luctabatur: tam vehementi tamen a-
 more ſanctioris vitæ exarſeras; ut ere-
 mitam in ipſo ſæculi medio agere, &
 nobilitate generis, militari gloria, o-
 pibus

Q3


pibus

Ab u- pibus, luxúque calcatis, pauperem ru-
xore di- ri agricolam induere decreveris, do-
mitti- nec per mortem aut consensum uxoris
sur. libertas daretur, monachatum ample-
 ctendi. Hunc verò obicem brevi tem-
 poris intervallo amotum iri, vaticina-
 tus est BERNARDUS: dum illa fatali
 morbo correpta jam sponte à te flagi-
 tavit, quod prius in te averfabatur.
Claram Transacto Cistercij tyrocinio; ad con-
vallem dendam Claramvallem germanos re-
cum S. liquos secutus, magnanimâ constantiâ
germa- extremam illam circa initia egestatem
nomi- sustinuit: cui adeò eras addictus, ut,
grat. dum œconomîæ præeras, vineam, à
 Converso plantatam, execratione red-
 dideris sterilem, ne frugum illius abun-
 dantiâ sacra paupertas aut parsimonia
 periclitaretur. Non minori zelo hu-
 militati cavebas. Eam ob causam non
cujus semel BERNARDUM miracula pa-
mira- trantem ferò monere ausus es, ne in
cula juvenili adhuc, & incauta ætate, sibi à
arguit vanæ præsumptionis spiritu pateretur
præsu- illudi. Sed magistrum nempe doce-
ptionis. bas; cujus invicta animi mansuetudine
 zelus tuus ad scientiam fuerat erudien-
 dus. Ab eodem denique Pontignia-
 cum missus, subitanea ibidem febris es
 obrutus. Cujus periculi olim vates, &
 tunc non inscius BERNARDUS, a-
 gonem

gonem tuum precibus fratrum Claræ-
vallis anxie commendavit: sed mox
in hæc verba lætus prorupit: *Fratres,*
inquiens, rogate Guidonem, ut oret pro S. Ber-
nobis; jam enim eo loco est, ut possit. Quo nardo
autem loco jam tum fueris, eidem ali-
quoties multo amictus lumine osten-
disti. Cum igitur orare pro miseris nobis
exulibus efficaciter nunc & feliciter possis;
etiam mei non esto immemor. Dirige gres-
sus meos, per sublimia virtutum tuarum
vestigia scādere non valentes, per amatas
Bernardo humilitatis valles in viam salu-
tis.

S. BERNARDUS, ser. 37. in Cant.

Non est periculum, quantumcunq³ Humil-
te humilies, quantumcunq³ te reputes litas
minorem, quàm sis, hoc est, quàm te nulla
veritas habeat. Est autem grande nimia.
malum, horrendumq³ piaculum, si vel
modicè plus vero te tollas, si vel uni
videlicet in tua cogitatione te præse-
ras.



12. Maij. 4. Idus.

B. WERRICE, Prior Alnensis, ma- Obijs
gnis virtutibus, sed præsertim cha- anno
ritate in proximos clare: qui, quantum 1217.

Q4

per

Beni- per juratam paupertatem licebat, Divi
gnus in Martini in pauperes liberalitatem æ-
paupe mulatus, quidquid vestimentorum tibi
res: demere poteras, egenis erogabas.
equo id Quæ tua benignitas ad eum in consuetu-
agno- nem abierat; ut etiam equus, quo ad
scente. itinera longiora utebaris, eam obser-
revela- vaverit, solitus, viso mendicabulo, sua
tionem, sponte subsistere, veste meliore orna-
 tos concito cursu prætervolare. Multas
 noctes in choro transigebas sine somno,
 sed non sine divinitus immissa luce: quæ
 aliquando per septem radios extensa, septem-
 plicem in cælo retributionem laboribus tuis
 promittebat.

prodi- Cùm denique senilis debilitas manum
gia; tuam impediret, ne ultra ad egenos
 extenderetur, ægri succedere in beneficia;
 qui aquam, in Sacrificio abluendis manibus
 à te adhibitam, pro indubio contra febres
 antidoto bibebant.

lectio Lectiois piæ tam avidus, ut non alibi
sacra. sepeliri volueris, quàm ubi illa quotidie
 juxta morem S. Ordinis frequentatur: quasi
 posteros ad nobile illud studium vel mutâ
 præsentia excitaturus. *Innumeri sunt, qui
 melioris vitæ initium, aut in virtutibus
 profectum, libris debent. Tu intellectum
 meum illumina, & voluntatem move; ut
 ex operibus meis appareat fructus lectio-
 nis.*

B. JOAN.

B. JOANNE S: qui dum in Veteri Monte Conversum sincera mentis demissione ageres, humilitatem tuam respiciente Domino, multa prophetiæ spiritu prædixisti, quorum veritatem illico probavit eventus, & secuta divinitus ultio in irrisores. *Quid est tota sacra pagina, quàm vox prophetica, justis præmia, impijs tormenta prænuncians? Et irrisori similis est, qui nec minis nec promissis ad meliorem vitam movetur. Tu me doce vaticinia illa tali cum humilitate, ac timore revereri, ut non ultionem, sed misericordiam divinam merear.*


Floruit circa annum 1217.

Observanda Scripturæ vaticinia.

S. BERNARDUS, ser. 54. in Cant.

In veritate didici, nihil æq₃ efficax esse ad gratiam promerendam, retinendam, recuperandam; quàm si omni tempore coram Deo inveniaris non altum sapere, sed timere.

Humilitas & timor.



13. Maij. 3. Idus.

Quis mihi, ô felicissime Christi Jesu collactanee BERUARDE, anno nunc pro atramento liquorem lacteum, imò quis mihi stylum præbebit Angelicum, ut inauditum ab omnibus

Contigit

1146.

Qs

retro

retro sæculis MARIANÆ dilectionis favorem, quo benedicta labia tua hodierna dies irroravit, pro dignitate recenseam? Aspicio te inter ubera comorantem Sponsæ Spiritûs sancti: Lac illud sugentem, quod, ut biberet, immensa Divinæ majestatis sublimitas sese ad infimam humanæ miseræ inclinavit abyssum: & qui erat ab æternitate incomprehensibilis, parvuli formam suscepit, ut Virgineâ in terris ambrosiâ pasceretur; quâ nempe gratiorem nec condita à se cœli promptuaria poterant propinare. Sed & tu parvulus eras in oculis tuis, solus ignorans, quantum esset de magnitudine tua cœli terræque judicium. Quid igitur faceret Mater humilium, auditâ voce dilecti parvuli, clamantis, *Monstra, te esse Matrē?* Matrem sanè nihil aptius nisi ubera demonstrabant. Obmutescat calumniator impudens, hoc privilegium ad fabulas damnare non veritus. Miretur potiùs cum toto terrarum orbe divinam melliflui styli tui, maximè cum de sacratissima Virgine loqueris, dulcedinem, ex hac utiq; scaturigine fluentem: credâtque, ut multorum pia fides est, Amabilissimam Matrem te sæpiùs hac prærogativa fuisse dignatam. *Sed ego interim etiam ad te vota mea*
converso

converto, & clamo: *Monstra, te esse Pa-* Mortis
trem. Quod meliùs non præstabis, quàm duellū
si propitiā mihi reddideris clementissimā patro-
misericordiæ Matrem. Nullum quidem cinijs
momentum est, quo ejus subsidijs non indi- muni-
geam, sed una est hora, à qua quia tota de- endum.
pendet aternitas, nunc anxie utrique pe-
riculosam mortis meæ duellum commendo.

B. THOMAS: quem in Angelica vitæ *Passus*
 puritate educavit sacra eremus mona- *circa*
 sterij Dunensis: & Anglicani furoris *annum*
 impietas ad gloriosam martyrij pal- 1580.
 mam produxit. Natalis enim soli, Fi-

dem orthodoxam deserentis, ruinam
 cū æquo animo pietas tua non fer-
 ret; Insulam intrepidus repetijsti. Sed
 liberam tuam pro defensione veritatis
 catholicæ vocem detestata crudelitas;
 postquam te multis ærunis afflixit,
 nec tamen ab animi constantia dimo-
 vere prævaluit, tandem publicā senten-
 tiā in crucem egit, ac adhuc semivivā
 linguā falsa dogmata confutantem,
 membratim discerpit. *Dei solius do-*
num est incorrupta Fides. Quam veluti
sanguine tuo testatus es: ita fac, ut eam in
me esse vivam, opera mea fateantur.


S. BERNARDUS, *serm. 51. in Cant.*

Itaq; nec sine flore fructus, nec sine
fide opus bonum. Sed fides sine ope-

Q 6

ribus

372 ANNI CISTERCIENS.
*ribus mortua est: sicut inutiliter quo-
q; flos apparet, ubi non sequitur fru-
ctus.*



14. May. Pridie Idus.

Passi
circa
annum
1425.

SANCTI Martyres AULÆ-REGIÆ
in Bohemia: qui ab hæreticis inter-
cepti, & in Tilia arbore suspensi, novo
victoriæ ornamento, tilijs pro palma

Folia ti-
liæ pro-
digiosa.

vestri triumpho perennem memoriam
conservat arbor, in qua pependistis,
ejus folijs in hodiernam usque diem
capucij monachalis formam referenti-

Capu-
cium
mona-
sticum.

bus. Possit hæresis insaniam suam in
continuo à tot annis prodigio erubescere,
nisi infernali collyrio dementari,
quàm veritatem mallet agnoscere. Vos,
ô sancti, orate, ut hoc capitis tegumentum,
vel sola antiquitate venerandum, sit mihi
galea salutis; humilitatis (quam prima-
riò representat) insigne; scutum religiose
discipline. Ac veluti coronam verticis te-
gere solet, ita me juvet ad promerendam
in cœlesti patria promissam Christum se-
quentibus coronam.

Floruit
anno

B. PETRE: quem Catalaunum
mundo dedit, BERNARDUS verò è
mundo

mundo ad Claramvallem rapuit. Idē ^{1178.}
 sanctus Doctor suas tibi virtutes tam
 altē impressit, ut plurimis post ejus o-
 bitum annis in te, tanquam vivacissi-
 mo speculo reluxerint. Superstes erat
 tunc in filijs BERNARDUS: quo-
 rum etsi ingentem numerum reliquit;
 tu tamen cum paucis aliquot singula-
 riter eminebas. Spectaculum erat mi-
 rabile mundo, Angelicis dignum ocu-
 lis ea tempestate Claravallis: quando
 longus seniorum ordo chori subsellia
 non tam candore vestis, quàm vene-
 randa canitie decorabat; & in tanta æ-
 tatis, indolis, natalium diversitate, u-
 na erat omnium similitudo morum,
 idem proficiendi ardor, eadem disci-
 plinæ regularis, ubique perfectissima,
 observantia. Et, quod exsuperat lati-
 tiæ omnem sensum, dum ad omnes se
 extendebat dulcissimi Parentis vati-
 cum promissum: Neminem ex toto fi-
 liorum cœtu ab æterna felicitate ex-
 cludendum. Speculum hoc magnorum
 sanctitatis exemplorum, quæ tu in Ber-
 nardo imitatus es, in ejus tuæque vita eti-
 am mihi proponitur. Tu modò imitandi u-
 nam mihi gratiam impetra: ne vivam ve-
 lut homo, considerans vultum nativitatē
 suæ in speculo, mox, quæ viderim oblitus;
 sed sæpe me alloquar, ut seipsum

Felici-
 tas Cla-
 raval-
 lis.

Specu-
 lum ex-
 emplo-
 rum.


Q7

S. Ber-

S. BERNARDUS, ser. 55. in Cant.

Judici-
um de
scipso.

Judicabo mala mea, judicabo & bona. Mala melioribus curabo corrigere actibus, diluere lacrymis, punire jejunijs, cæterisque sanctæ laboribus disciplinæ. In bonis de me humiliter sentiam; & juxta præceptum Domini, servum me inutilem reputabo, qui, quod facere debui, tantum feci.



15. Maij. Idibus.

Obijt
anno
1618.Stat
promis-
so sub
mortem
facto.

B. MARGARITHA, Vallis Rosarum monialis: quæ à sæculi vanitate ad DEUM toto animo conversa, humilitatis operibus, & perfectionis omnimodæ studio te continua exercitatione addixisti. Raptus frequentes experta, beatissimæ cœlorum Reginae præsentiam fruebaris; spiritu etiam prophetico clara. Cùmque extrema agitudine laborares, & inopinata paralyfi Abbatissa miserè cruciaretur; tu pollicita es, te illi statim à morte sospitatem integerrimam de cœlo allaturam. Quàm verò compendiosum eò iter habueris, eodem penè momento secuta promissi veritas fidem fecit. *Ferale malum*

lum est paralysis, efficiens ex homine spi- Anima
rans cadaver. Tu animam meam ab hoc paraly-
morbo libera: move stupidam ad opera pi- sis.
etatis: ne jaceat in vivo corpore, velut pu-
tridum cadaver.


B. RICHARDE; monasterij Ebo- *Floris*
 racensis in Anglia pius quondam asce- *anno*
 ta sub Instituto Benedictino. Cujus *1132.*
 arctiorem observantiam desideranti,
 duodecim se socij adjunxere, cum qui-
 bus ad incultam eremum egressus, ope
 Trustini Archiepiscopi, initium dedi-
 sti monasterio Fontanensi. Celeber-
 rimâ deinde Ordinis Cisterciensis fa-
 mâ motus, à Patriarcha BERNAR-
 DO monachos petijsti, qui te illius ri-
 tus edocerent. Quem favorem quàm
 ille benignè indullerit, loquitur aurea
 epistola, quâ te in bene ceptis confir-
 mavit. Crevere deinceps in tantam
 amplitudinem tui Fontes, ut ex illis
 integra flumina virorum sanctitate &
 doctrina illustrium prodierint. *Discam*
& ego ex hac epistola illud, quod in te ad-
mirans Bernardus laudat, proficiendi in
meliora studium: nec sim inter illos, quos
ibidem ita deplorans, ait:

S. BERNARDUS, Epist. 96.

Multo facilius reperias, multos se- Pauci-
culares converti ad bonum, quàm tas pro-
unum

ficien-
tium
deplo-
ratur.

*unum quempiam de religiosis trans-
ire ad melius. Rara avis in terris
est, qui de gradu, quem fortè in re-
ligione semel attigerit, vel parum
ascendat.*



16. Maij. 17. Cal. Junij.

Obijt
anno
1197.

Lata
visione
recrea-
tur.

B. EUSTACHI, Abbas monasterij
Hemmenrodensis: qui, ut paratam
laboribus tuis in cœlo mercedem in
hac vita prægustares, eandem lætissi-
ma visione tibi Mater totius consola-
tionis ostendit. Ex more constitutio-
num Ordinis filios Heisterbacenses vi-
sitaveras: cum quibus dum in solenni
psalmodia hymnum, *Te Deum lauda-
mus*, decantares; visa est illa de cœlo
delabi, & pendentem aureâ catenâ co-
ronam manibus in medium chori de-
mittere. Nobile hoc sertum pro gem-
inis gestabat inserta præsentium no-
mina, fulgore suo totum Oratorium
illustrantia. Silentium, finito cantico
factum, hæc vox ab illa descendens in-
terpolavit: *Sicut ego hodie sum in gloria
mea, ita isti omnes mecum erunt in æter-
num. Tu ora, ut meo in clementissimam
Matrem qualicunque devotionis affectu
impetrem*


impetrem, si non promissione revelatâ, saltem confidentiâ humili plenam, de consequenda salute mortem.

B. ADAME, ex Abbate Caroli-lo-Floruit
ci ad Episcopatum Silvanectensem e-anno
veste: qui præter insignem sanctimo- 1211.
niam mira etiam eruditione pollebas:
quod testatur ingens Homiliarum vo-
lumen, totius anni circulum comple-
ctens. Nec impar doctrinæ fuit elo-
quentia, zelo Apostolico armata; illi-
que respondens fructus, quem munc-
ristui conscius Pastor, de grege com-
misso retulisti. Incitabat nempe ani-
mum tuum ad arduos labores, viva &
quietis ignara Fides, qualem in anima-
rum maximè pastoribus exigit Doctor
gentium, fidei vitam ex operum mo-
tu quodam dignoscens. *Impetra mihi à* Viva
Deo hanc vitam: quâ manus vivas osten Fides.
dam in orationis devotione; pedes in obedi-
entia velocitate; oculos, in meditationis
ardore: omnes denique corporis & animæ
vires, in elevatione continua mentis à ter-
renis ad cælestia.

S. BERNARDUS, ser. 2. in Pasch.

Sicut corporis hujus vitam ex motu Signa
dignoscimus; ita & fidei vitam ex vivæ
operibus bonis. Itaq; vita quidem Fidei.
corporis

corporis est anima, per quam movetur, & sentit: vita vero fidei charitas est, quia per illam operatur.



17. May. 16. Cal. Junij.

Floruit
anno
1147.

Rigor
vitæ
maxi-
mus.

BLAURENTI: qui à sancto Ab-
bate BERNARDO cum socijs in
Brabantiam missus, celeberrimi mo-
nasterij Villariensis, dura licet, sed eò
nempe diutiùs duratura fundamenta
jecisti. Ad exemplar Matris Cistercij,
& Clarævallis, multo tempore con-
structa ex arbore rudi tuguria, cœno-
bium, herbæ cum aqua mensam, pau-
pertas promptuarium vestimentorum
præbuere. Quæ tamen omnia læto a-
nimo tuus in DEUM ardentissimus
amor amplectebatur. Quin imò cum
hanc penuriam fidelium liberalitas a-
bunde jam sublevasset, ne austerum
hunc vitæ tenorem deserere cogereris,
dimisso regimine, solitarius, absque
omni rerum temporalium usu, partem
vitæ reliquam transegisti. Tandem mi-
raculis, & sanctitate celebris, ad eum,
quem solum quærebas, vitæ auctorem
feliciter migrasti. *Quàm longè atia foret
mea vivendi ratio, si non nimis oscitanter,
ut hæc*

ut haftenus, sed tecum serio perpendere,
quam arcta sit, etiam innocentibus, ad cae-
lum via!

B. GISILBERTE, Abbas Hem-
menrodensis, virtutibus tanto munere
dignis ornatissime: sed praecipua inter
has enitebat animi mansuetudo, qua
erga delinquentes utebaris. Cum e-
nim in aliquo fratre animum correpti-
oni minus idoneum cerneret, poenam
delicto debitam tam diu differre con-
suevisti, donec illi a DEO humilita-
tem, & culpae agnitionem impetrave-
ris. Quae tua regendi suavitas ad eum
obedientiae amorem tuos filios per-
duxit, ut etiam pro arbitrio tuo more-
rentur, vel iussi ad vitam denuo redi-
rent. Cujus luculentus testis est Men-
gosus Conversus. Decumbebat is ex
letali vulnere, quod incauto ictu ferri
ligna findens sibi inflixerat: jamque
ad ultima per externae Unctionis Sa-
cramentum se praeparaverat; cum te
ab illo necessitas accelerandi itineris
ad Comitata generalia avocavit. Ne ve-
ro illius agoni deesses, confidenter ei
praecipisti, ut ante reditum tuum non
moreretur. Qui cum omnem, quan-
tum in se esset, obedientiam promisisset:
ea tamen hora exspiravit, qua tu
ex via redux jam exteriorem coenobij
portam

Floruit
anno
1184.

Beni-
gnus
in de-
linquen-
tes.

Conver-
sum
mori
prohi-
bet.

portam intraveras: satis promisso factum ratus, si te, ut convenerat, de via reverso, decederet. At audito campanæ mortualis signo, cognitôque, pro Mengoso pulsari; indignanti similis ad eundem accurristi. Cui cum ter iterata jussione mandavisses, ut fidem datam exsolveret; quasi de somno exprorectus, lætissima narratione exposuit, quàm ineffabili gaudio per modicum illud temporis spatium fuerit inundatus. Plura deinde ad confirmandam rei veritatem adjunxit: sed nihil magis urgebat, quàm ad illas delicias repetendas missionem; quam illi jam non invitus indulxisti. *Quis non miretur, & promptissimo animo amplectatur Obedientiam, quæ vitæ mortisque arbitra, januas cæli claudit & aperit? Utinam & mihi non per aliam januam exire contingat de hoc mortalitatis ergastulo!*

S. BERNARDUS, Exhort. ad Mil. Temp.


DEO nihil placet extra obedientiam. *Nec studium bonæ actionis, nec otium sanctæ contemplationis, nec lacrymæ pœnitentis, extra Bethaniam (quæ dicitur domus Obedientie) accepta esse poterunt illi, qui tanti habuit obedientiam, ut vitam, quàm ipsam, perdere maluerit.*

18. Ma-

Mortuum ad vitam revocet.

Obedientia.

DEO nihil placet extra obedientiam



18. Maij. 15. Cal. Junij.

BASCHELINA, Polengerij Prioris. *Vixit*
 sa: cuius futuram sanctitatem ma- *circa*
 ter ex cœlesti revelatione prævidit. *annum*
 Patre quinquennis orbata, statimque 1195.
 à matre de sæculoeducta, institutore
 potita es Angelo tutelari, qui infanti. *Angelo*
 am tuam tum verbis, tum alijs signis, *uitur*
 tam sollicitè moderabatur; ut ob info- *instru-*
 litam illi ætati morum maturitatem, *ctore:*
 esses intuentibus pro miraculo. Idem
 te sub peregrini persona monuit, ut à *& eodē*
 quodam perverso homine tibi caveres, *monito-*
 qui venusti oris tui pulchritudine de- *re insi-*
 mentatus, larvâ pietatis insidias, virgi- *dias e-*
 nali thesauro structas tegebat. Ne ve- *vadit.*
 rò innoxia causa alijs cederet in occa-
 sionem ruinæ, tibi soli hæctenus igno-
 tam frontis picturam cinere, inediâ, &
 macerationum coloribus adeò immu-
 tâsti; ut una ibidem pietas sedem fixis. *Oratio*
 se videretur. Sacro Ordinis Velo or- *assidua*
 nata, vix ullo momento ab orationis
 dulcedine poteris amoveri, dicere so-
 lita: hominem, qui DEI sibi ubiq; præ-
 sentis memoriam non ubique itidem
 retineat, vix tibi hominem, Ratione
 præditum, videri. Quam in precando
 devotionem accendebant suo lumine *Angeli*
 cœlestes

*oranti
lumen
præfe-
runt.*

cœlestes spiritus, quod tibi in vigilijs nocturnis statas ex libro lectiones decantanti, præferre conspiciantur. Ijs addebat fervoris spiritum columba, quæ te ad oratorium, & inde ad cellulam deducebat. Eruperat aliquando periculosum incendium, quod, te cum effigie Crucifixi Servatoris accurrente,

*S. Bern-
nardus
ei appa-
ret.*

subitò sopitum est. Erat inter sanguine tibi conjunctos proximus mellifluus BERNARDUS: is cum te per vitæ decursum piè amâisset, ad superos migraturus, te per spiritum invisere, & glorioso triumphî sui spectaculo exhilarare dignatus est. Plura tibi ejusmodi ostenta cœlestia sunt exhibita: ex quorum notitia multorum occultissimi

*Mira-
cula.*

conscientiarum ulcera sanâsti. Vestes tuæ, ac præcipuè velum, morbos, ac dæmonem ab afflictis pellebant: juvabant etiam illos efficacissimè, qui inter ignita spiritûs immundi jacula periclitabantur. His meritis annisque plena, toto anno prædictâ mortis horâ, ad cœlestem felicitatem evolâsti.

*Angeli
Custo-
dis au-
xilium.*

Angelis jam choris sociata, mitte ad me monitorem illum tuum; qui me vel in oratione languidum, vel fluctuantem in tentationibus, suâ præsentia excitet ad devotionem, & ab hostibus defendat.

Obijt

B. MARGARITHA, floscule verè inno-

rè innocens virginæ puritatis: quem ^{anno} ne quid vel minimæ labis contraheret, ^{1218.} in ipso propemodum ortu mors demessuit, undecimo ætatis anno; dum in horto tyrocinijs sub sancta magistra, Ida de Nivellis, adolesceres. Hæc innocentia tuæ conscia, tibi decessuræ hoc ultimum mandatum imposuit; ut quem gloriæ gradum in altera vita receperis, sibi quantocyùs, si DEUS id permiserit, ostendas. Cui præcepto obtemperans, illam non solum de felicitate tua, sed multis etiam alijs arcanis, rerumque futurarum eventibus, reddidisti certiozem. *Hausisti occulta hæc sapientiæ divinæ oracula ex Deo, tanquam libro vitæ. Scripsit & mihi librum vitæ Sapientia Dei Incarnata, in quo imitandas mihi virtutes suas aureis characteribus exaravit. Tu me doce illi libro, per studium non tam lectionis, quam actionis diligenter incumbere.*


Vita Christi liber vite est.

S. BERNARDUS, ser. 13. in Cant.

Origo fontium & fluminum omnium mare est: virtutum & scientiarum Dominus Jesus Christus. Continentia carnis, cordis industria, voluntatis rectitudo, ex illo fonte manant. Non solum autem, sed & si quis callet

Origo scientiarum Christi.

callet ingenio, si quis nitet eloquio, si quis moribus placet, inde est. Inde scientia, inde sapientiæ sermo.



19. Maij, 4. Cal. Junij.

*Obiit
anno
1197.*

*Illustri
fama
flore.*

B. P E T R E, cognomento Cantor, ex officio, quo inter Canonicos Parisienses fungebarris. Cujus tam excelsa fuit eruditio; ut tanquam Luminare maximum totius doctrinæ, omniumq; scientiarum principem fama communis laudaverit. Tam exactus ad legum normam Justitiæ amor; ut vulgò dicereris, neque ab astutia falli, neque à cupiditate posse corrumpi. Tanta denique prudentia; ut Summi Pontifices, maximè Cœlestinus, alium non habuerint in tota Gallia, cui ardua negotia delegarent expedienda. Hinc non immeritò Jacobus Cardinalis de Vitriaco te appellat, tubam cœlestem, altissimam cypressum; qui velut lucerna ardens & lucens, ac civitas supra montem posita, & candelabrum in domo Domini, tuum sæculum illustraveris. Magna sunt hæc de te præconia: quæ tamen longè supergressa est animi demissio; hæc, cum actionum
tuarum

tuarum esset perpetua moderatrix, e-
 nituit clarissimè, quando te ad Episco- *Honorè*
 patum Tornacensem vota civium, te- *fugit.*
 stimonia populorum, honoratorum
 arbitrium, electio Cleri, & Regis be-
 neplacitum vocabat. Tantæ authori-
 tatis pondus cùm aliter non valeres,
 fugà declinavisti, monachum Cister-
 censem in Longo Ponte induens. Ac
 ne forsàn aliquando fortissima acce-
 deret ad te promovendum Obedien-
 tiæ machina, nec fugam utique, nec
 tergiversationem admissura, in ipso
 probationis anno sanctissima morte
 etiam illud periculum prævenisti. *Par-*
thorum mos est, fugiendo vincere. Quàm Vincē
multas ego de hoste antiquo numerarem dum fu-
victorias, si peccandi occasiones fugiendo
pugnans declinasset!

Sancti Martyres, PATRICI, & *Passi*
 MALACHIA: qui ab hæreticis Hy- *anno*
 bernis in crucem acti, alter semivivus *1285.*
 in quatuor partes dissectus, alter lan-
 ceâ transfossus, gloriosè agonem ve-
 strum consummâstis. *Deum pro me o-*
rate, ut me aliquando in terrifico agone
sudantem, misericorditer eripiat de mani-
bus inimicorum meorum.

B. JOACHIM, Abbas Curatij, & *Obijt*
 Florensis in Italia Congregationis In- *anno*
 stitutor. Mirabilem vitam tuam mira *1211.*

R

in ortu

in ortu signa, & oracula cœlestia præ-
Ingenio iuerunt: quæ mox in pueritia cœpe-
felix. runt elucescere; dum artes literarum
 humaniorum supra fidem celeriter et
Aulam complexus. E scholis ad aulam pro-
deserit. motus, depravatos hominum mores
 cùm nec probare, nec emendare in a-
 lijs posses, Palæstinam petijsti: ubi pri-
Solita- mùm Terræ sacræ, deinde cœli specta-
rius tor, terrenarum rerum fastidio, & so-
vivit. litudinis vehementi desiderio inarsisti.
 In quam te statim conferens, non ul-
 trà prodijsses in publicum; nisi nimio
 rigore fractus, & proximo vitæ pericu-
 culo per opem divinam ereptus, ad al-
 tiora studia te vocari intellexisses. Re-
 versum in Siciliam Sambucina suscep-
Concio- pit: in qua tamen haud diu moratus,
natur instruendæ in doctrina Christiana ple-
publicè bi, ac animarum promovendæ salutis,
 non minore fructu, quàm fervore, te
 impendisti. Verùm illud vitæ genus
 salutis propriæ minùs proficuum ratus,
Fit mo- Curatij monachis Cisterciensibus te
nachus associâsti. Cujus monasterij Priorem
 cùm aliquot annis laudabiliter egisses,
 communi calculo electus Abbas, non
Et mox nisi Episcopi & vicinorum Abbatum
Abbas. precibus coactus, consensisti. Summis
 infimisque grata erat tua gubernatio;
 unctibi displicebat rerum externarum
 cura

cura, ad sacrum otium aspiranti; in quo rimandis divinæ Scripturæ arcanis vacare extra turbas liceret. Dignitate ergo relictâ, in Casæmario commentaria in Apocalypsin Divi Joannis exorsus, eorum primam partem Lucio III. nuncupavisti. Adeo acceptum fuit Pontifici scriptum; ut datis ad te literis, cœptum laborem continuare præceperit. Idem mandatum à successoribus Urbano & Clemente accepisti. Quietem verò semper majorem indagans, ad Petram Altam secessisti uno tantum comite, qui verba dictantis exciperet. Plura ibidem opera elucubrâsti: quorum profundissimam doctrinam magnum illud Carmeli decus, Divus Cyrillus, tibi familiarissimus, summopere venerabatur. Accessit eruditioni donum Prophetiæ: unde passim Prophetæ nomen tibi fama imposuit. Inter prima vaticinia fuit clades Siciliæ, & expeditionis Jerosolymitanæ exitus infelix: utrumque infortunium nimis celeri veritate secutum, deplorante Europa. Lætius oraculum edidisti de Divis Francisco ac Dominico; eorum patriam, & habitum Ordinis, cujus Patriarchæ futuri essent, quadraginta annis antè, quàm orbi innotuerint, præostendens. Inter hæc plurimis

*Pedum
relin-
quit, ac
stylum
appre-
hendit.*

*Multa
scribit:*

*Et præ-
dicit.*

*Ordinē
Floren-
sem in-
stituūt.*

*Auste-
rius
illius
in vi-
ctis.*

*Retra-
ctat er-
rores
in suis
scriptis
reper-
tos.*

rimis sub tua disciplina degere ambi-
entibus, novam Congregationem ere-
xisti, Cistercij quidem ritus observatu-
ram, sed ad instar separatæ reipublicæ,
sub immediata Sedis Apostolicæ tute-
la gubernandam. Huic leges sanè rigi-
das exemplo magis, quàm imperio di-
xisti: alternis tantùm diebus cibum, in
Quadragesimali jejunio nil præter pa-
nem & aquam sumens. Prima sedes
fuit monasterium Florense; ex quo re-
liqua inde nata, Instituti nomen, &
normam traxerunt. Excoluerunt de-
inceps Florem istum varij Pontificum
& Regum favores; sed altiùs provexe-
runt alumni tui, qui eruditione & san-
ctitate clarissimi, ad publicos honores
promoveri merebantur. In his tamen
laboribus tuis non defuit, quo te ho-
minem agnosceres: liber nempe de SS.
Trinitatis mysterio, quem inconsulto
impetu contra Magistrum Sententia-
rum vulgaveras. Ipse tamen verbo-
rum tuorum spontaneus iudex, publi-
co retractationis Instrumento dam-
navisti, quidquid in scriptis tuis judi-
cio S. Matris Ecclesiæ non probaretur.
Hinc etiam factum est, ut cùm in Con-
cilio Lateranensi dogma illud Patrum
suffragijs rejiceretur, ea sententia in li-
brum, non in personam ferri, fuerit
declara.

declaratum. Senio tandem confectus, placido fine inter filiorum manus qui-
 evisti: nec sine vaticinijs sub ipsam ho-
 ram mortis ad posterorum instructio-

*Sanctè
mori-
tur.*

nem pronunciatis. Quæ præter vitam
 pijsimè transactam jure merito opini-
 onem sanctitatis tibi pepererunt. Sed,
 ut Virtus nunquam æmulis caret, in
 lucem emerfit quorundam inofficiosa
 censura, famam tuam lacerare ausa.

*Mira-
culis
post obi-
tū cla-
rus.*

Ego autem, quemadmodum judicium
 cæli, sanctimoniam tuam post fata
 per multa miracula contestantis, piè
 amplector: Ita te rogo, ut ex illo tuo va-
 tidicarum scientiarum thesauro me doceas
 fixâ semper retinere memoriâ, Dei præsen-
 tiam, mihi ubique intimè unitam. Hac
 doctrina me accendat ad ejus amorem. &c.

*Præsen-
tia Dei.*


S. BERNARDUS, ser. 6. in dedicat.

Verè Dominus est in loco isto.

*DEUS
tripli-
citer
præsens
est.*

[Gen. 28.] Ubi enim pluit super ju-
 stos & injustos, Pater est, Pater mi-
 sericordiarum, expectans homines ad
 pœnitentiam. Ubi damnat obstinatos,
 Judex est, & horrendum, incidere in
 manus Dei viventis. Ubi cubat, Spon-
 sus est: & beata anima, quam intro-
 duxerit in cubiculum suum.

NS.
ambi-
m ere.
yatu-
blica,
e tute-
e rigi-
rio di-
um, in
er pa-
a sedet
uo re-
nen, &
nt de-
ificum
ovene.
& fan-
onores
tamen
te ho-
de SS.
nulto
centia-
verbo-
publi-
dam-
judi-
retur.
Con-
atrum
a in li-
fuerit
clara.



20. Maij. 13. Cal. Junij.

*Obijt
circa
annum
1218.*

*Usum
cymba-
li in
Sacro
primus
inducit*

B. GUIDO, Generalium Ordinis in serie successionis XV. hujus nominis I. Ad quam dignitatem te exivit diu perspecta in negotijs gravissimis dexteritas. Sed eadem te, ut Cistercio dedit, ita statim eripuit; dum à Clemente III. Diaconus & Presbyter, inde ab Innocentio Episcopus Cardinalis Prænestinus renunciatus, labores felicissimos pro totius Reipublicæ Christianæ commodo impendere iussus es. Suscepit, ac suscepit te Gallia & Germania Legatum Apostolicum. Volens ubiq; Constitutiones tuas amplexus est uterque Status, Ecclesiasticus atque civilis. Inter alias laudabiles consuetudines à te inductas, illius memoria indelebilis perseverat, cujus initium Coloniae fecisti: ut nimirum, quando in Missæ Sacrificio elevaretur, vel per urbis compita ad ægros deportaretur Sacrosanctum Christi Domini Corpus, campanulæ portatilis signo, populus ad illius venerationem excitaretur. Quam devotionem mox prodigia stabilierunt. Nobilis enim quidam hujus pietatis fervore stimulatus, in
lutulen-

lutulenta platea procumbens, pretio-
sas vestes, nullâ prorsus maculâ læsas,
è sordibus sustulit. *Excita etiam me ad Vene-*
dignam devotionem erga sacratissimum ratio
Mysterium: ut tam externo corporis cultu, SS. Ev-
quàm humillima animi veneratione, ado- chari-
rem illam majestatem, coram qua Angeli- stia.
æ Potestates contremiscunt.

B. VIVIANE: qui à S. Patre BER- *Promo-*
NARDO ad gubernandum monaste- *ius año*
rium Altæ Cumbæ missus, vivere in 1135.
Viviano sanctissimum Magistrum, Sa-
baudis tuis ostendisti. Cùmque ob ne-
gotia Romam peteres; is sacræ Curie
te, tanquam ob religiositatem tuam sibi
amicum familiarissimum, suaviter com-
mendavit. *Commendo & ego quotidie*
necessitates meas Pÿssimo Parenti: sed citi-
ùs exaudiar, si tua commendatio adjun- Patro-
gatur. Sic enim obtenturum me spero, ut cinium
potenissimo ipsius patrocínio, quod olim in S. Ber-
terris multa afflictorum millia experta nardi.
sunt, ego quoque de cælis ad animæ corpo-
risque salutem gaudere merear.


S. BERNARDUS, ser. 62. in Cant.

Sunt cœli sancti, vivi, rationales, qui *Invoca-*
enarrant gloriam Dei: qui favora- *tio san-*
bili quadam pietate nostris se votis *ctorû.*
libenter inclinant, & sinuatis ad ta-

R 4

Etum

*clum nostræ devotionis affectibus, in
sua nos recipiunt viscera, quoties di-
gna eos intentione pulsamus.*



21. Maij, 12. Cal. Junij.

Floruit B. JOANNES, Dulcis memoriæ Pri-
anno or Clarævallis; Paternarum tradi-
1172. tionum tam diligens æmulator; ut ve-
rè non alio, quàm sanctorum Funda-
torum primævo spiritu, vivere crede-
reris. Paupertatis amorem, ut omnia
Obser- alia, ita maximè vestimenta prodebāt;
vantia quibus non nisi centonis in modum
verè pannosis uti gaudebas. A divinarum
stricta. laudum decantatione nulla te separa-
bat infirmitas: quæ licet te frequenter
incesserent; nunquam tamen persuase-
runt, ut curandæ sanitatis causâ pe-
dem Infirmatorio inferres. Ad manu-
um laborem dux eras ex munere, & o-
mnium exemplar ac stimulus indefes-
so fervore. Tandem fatali morbo, &
obedientia cogente ad Infirmatorium
deportatus, assueti nihilominus rigo-
ris tenax, ne minimum corpori leva-
mentum in melioribus cibus, aut mol-
liori strato indulgisti: hanc unam seve-
ritatis tuæ rationem assignans: non
commis-
sissu-

commissurum te, ut malignus hostis
 coram DEO Judice ullius remissionis
 te possit coarguere: insigni purissimæ
 conscientiæ argumento, hunc unicum
 nævum metuentis, quem alij vel inter
 virtutes numeravissent. *Si anima ver-*

Consci-
entia
teneri-
tas.

mibus in escam cederet, & caro mori nesci-
ret, aqua videri possêt diligentia fovendi
corporis, & negligendæ animæ. Sed aliter
sentiendum & agendum esse, præter expe-
rientiam manifestam, tuum utique exem-
plum mihi persuadebit.

Curâda
salus
animæ.


B. JACOBE de Rupe: qui secun-
 dùm Fuliensium constitutiones aspe-
 ram vivendi methodum sectatus, du-
 plicem de mundi vanitate triumphum
 duxisti: dum generis splendorem juve-
 nis, & postmodum oblatos Infularum
 honores contempsisti. Cordi erat in-
 terea unus supremi Numinis honor;
 à quo per Verbi divini prædicationem
 promovendo solum denique mortis
 imperium avocavit. *Doce me hæc vana*
& transitoria verè despiciere, faciliùs
nilius profectò illa abjecturum, quàm
relicturum, quando è manu vel in vii ra-
piuntur.

Contē-
ptus
mundi.

S. BERNARDUS, ser. 61. in Cant. *Vanitas*
Anceps est, & caducum terrenum rerum
omne. Conversatio nostra in cœlis sit: terre-
narum.

394 ANNI CISTERCIENS.

& nec cadere, nec dejici formidabimus. In caelis petra, in illa firmitas atq; securitas est.



22. May. II. Cal. Junij.

Circa **B.** HELSUINDIS, nobilis Patricij
annum Aquensis filia: quæ invitis paren-
1201. tibus suscipiendi Ordinis Cisterciensis
avidâ, adhuc parvula per culinæ fene-
stram in monasterium S. Salvatoris
irrepstisti: nec alia conditione revocan-
Vocati- tem matrem ad domum paternam se-
onis di- cuta es, quàm accepto promisso non
vina denegandi post mensem reditûs. Sed
modi cùm ficta identidem procrastinatione
variij. deludi te cerneret; clam aufugiens, eâ-
dem, ut priûs, januâ aditum invenisti.
Quamvis autem parentes te per vim
denuo reduxerint, importunis tamen
precibus desideratum eorundem con-
sensum impetravisti; gratulantium si-
bi cum temporis decursu, cùm nempe,
translato ad Porcetum cœnobio, in
celebri sanctimonix laude florentem
loci illius Abbatissam aspexerunt. *Hic*
Divinae providentiae mos est, suis adesse,
cùm ab auxilijs humanis deseruntur. Tu
ora, ut licet malignus ob peccata mea mihi
persua-


persuadere conetur; projectum me esse à
 facie Dei: firmâ tamen in ejus misericordi-
 am fiducia roboratus, non desistam per bo-
 na opera certam facere vocationem meam.

In Deū
 fiducia.

S. BERNARDUS, ser. 56. in Cant.

Prope est Dominus sanctis & electis
 suis, etiam cum longè esse videtur:
 at non æqualiter omnibus; sed alijs
 plus, alijs minùs, pro meritorum di-
 versitate.

DEUS
 semper
 prope
 est.



23. Maij. 10. Cal. Junij.

B. GUILIELME, Monache & Sa-
 cerdos in Claravalle: cujus inno-
 centiam plurimis DEUS favoribus do-
 navit, præsertim in revelandis confi-
 liorum suorum secretis. Inter quæ il-
 lud singulare: dum aliquando ad divi-
 num Tribunal raptus, vidisti, ab irato
 Judice mundi in maligno positi scele-
 ra per universalem pœnam vindica-
 tum iri: Matrem tamen Misericordiæ
 audisti his verbis sese ferale sententiæ
 interponentem: *Parce, dilecte Fili mi,*
parce, etsi non propter illos, saltem propter
amicus meos, personas ORDINIS CI-
 STERCIENTSIS. Quæ Clementia
 R6 Regina

Floruit
 anno
 1222.

Marie
 favor
 erga Ci-
 enses.

396 ANNI CISTERCIENS.

Reginæ Angelorum adeò tuum, aliorumque corda in ejus venerationem inflammavit, ut reliqua tua deinceps vita nihil aliud fuerit, quàm vox laudis, & gratiarum actionis, pro sua in genus humanum misericordia. *Concipiat ò utinam & ipsa preces pro me ad Filium suum, Judicem aliquando meum, dicatque! Parce, dilecte Fili, huic misero peccatori, si non propter ipsum, saltem propter amicos meos Cistercienses, qui me vel in celis jam beati honorant, vel in terris mihi devotè famulantur.*

Maria
Advoca-
cata.

Obijt
Circa
annum
1131.

B. TESSELINE, magni Filij BERNARDI dignissime genitor. Tibi debet terrarum Orbis hunc Religiosæ vitæ Alexandrum, si te, ut strenuum militem laudare voluero: si pietatem tuam, atque insignem justitiam; rursus BERNARDUM velut Justitiæ solem quendam, mundi totius Dictatorem, omnium controversiarum arbitrum suspicient Regum Fasces, ac Pontificum Tiaræ. Quòd si quis fortasse quærat, quot proles ex te prodierint: huic pro responsione dicendum erit, quod olim Abrahamo fideli DEUS: *Numerava, inquit, stellas cæli:* filiorum enim, quos cælo BERNARDUS genuit, copiam, nulla, nisi Divina arithmetica assequetur. Quin ut eundem quoque
numcrum


numerum tu augeres, factus ex patre
 filius, seniles humeros jugo Religionis
 in Claravalle submisisti: meliorem à
 filio vitam, quàm illi dederas, acce-
 pturus, quippe ab illo per Vota solen-
 nia in vitam immortalem regeneran-
 dus. *Ingens privilegium, & quod soli re-*
ligiosæ pietati conceditur; ut ad primam
innocentiam iterato sacræ Professionis Ba-
ptismo redire liceat. Sed huic beneficio al-
terum superaddi à te postulo: gratiam sci-
licet Divinam, quâ tantum thesaurum in-
corruptum conservem.

Profes-
 sio Re-
 ligio-
 nis est
 alter
 Baptif-
 mus.

S. BERNARDUS, ser. II. de divers.

In Baptismate, quando nihil nobis
adhuc voluntas nostra nocuerat, sa-
tis fuerat, abrenunciare diabolo.....
Ceterum postquam mundi fallentis
illecebras, & infidelitatem propria
voluntatis manifestè sumus experti,
de cætero jam secundo (ut ita dicam)
conversionis nostræ Baptismate, me-
rito prorsus, & non ad insipientiam
nobis, non resarcire tantummodo fœ-
cus primum, sed etiam roborare soli-
citi, ipsis quoq; affectibus pariter ab-
renunciemus.

In secū-
 do Bap-
 tismo
 etiam
 affecti-
 bus ab-
 renun-
 ciandū.



24. Maij. 9. Cal. Junij.

Floruit
anno
1299. **B. GUILIELME:** qui ex alto nobi-
lis profapia gradu ad infimum hu-
militatis centrum in Villario descen-
disti. Ex quo rursus per virtutum gra-
dus te ad cacumen perfectionis eleva-
sti: scalam nempe concinnabas, qua te
cœlo inferres. Et ne ab hac scandendi
vicissitudine etiam post mortem cessa-
res; ex humili sepulchro corpus, ob in-
numera ibidem patrata miracula, in
altio rem locum, pro populi venerati-
one, translatum est. *Fac, ut te nunc se-
quar in descensu ad infimam humilitatis
vallem; quo fiet, ut te assequar in ascensu
montis vitæ æternæ.*


Floruit
anno
1351. **B. GODUINE,** celebris in sæculo
Medicinæ scientiâ. Sed meliori homi-
nis portioni medicamenta vitæ im-
mortalis quæsiturus, te disciplinæ ma-
gni Doctoris Thaumaturgi BERNAR-
DI submisisti; tam docili quidem inge-
nio: ut vitæ austeritate, aliisque virtu-
tum speciebus, animæ non sospitatem
solùm, sed & sanctimoniam consecu-
tus fueris. Urgente dein charitate, ar-
tem pristinam resumens, pauperum
morbidorum in monasterij hospicio
eam curam egisti; quæ Galenum Reli-
giosum

giosum, potiones medicas aureâ charitatis Tincturâ conspergentem, decebat. *Ad mortem usque infirmæ animæ meæ, quæso, talia suggere, & adhibere remedia, quæ scis mihi ad æternam salutem profutura.*

S. BERNARDUS, ser. 61. in Cant.

Quid tam ad mortem, quod non Christi si morte salvetur? Si ergo in mentem venerit tam potens, tamq̄, efficax medicamentum; nulla jam possum morborum malignitate terreri.

Christi
mors
medici-
na vitæ.



25. Maij. 8. Cal. Junij.

B. GILBERTE de Hoylandia, Abbas Suinshetensis in Anglia: qui anno teneram ætatem liberalibus studijs cã 1166. solertiâ excoluisti; ut non tam literis, quàm bonis moribus operam dedisse visus fueris. Quos ut non meliores solum, sed & optimos redderes, præstantissimo pædagogo BERNARDO formandos in Claravalle tradidisti. Is postquam te pro more suo sibi similem effecerat, in patriam remissum, coenobio Suinshetensi præposuit: non ignarus, illud eruditione & sanctimonia
tua

*Lumen
homi-
nis in-
terioris*

*liberū
à passi-
onum
motu:*

*Et re-
splen-
dens in
homine
exteriori.*

*Scripta
melli-
flua.*


tua insigniter illustrandum fore. Re-
rum supernarum meditationem velut
vix unquam deserebas; ita sine mole-
stia ulla evagationum mentis in mul-
tam plerunque noctem protrahebas.
Tranquillitas mentis interior sereno
semper pacis lumine gaudebat: vitio-
fos enim corruptæ naturæ motus ita
extinxeras; ut (quæ in hac vita morta-
li paucissimorum felicitas est) nullos
omnino sentires. Hanc animi tui ide-
am exterior agendi modus ob oculos
ponebat. Eras quippe naturâ mitis, in
omni congressu affabilis, ingenio sub-
tilis, eloquio clarus & facilis, sermone
simul & actione suavis & humilis: un-
de vivis ereptus BERNARDUS in
te, velut in quodam Eliseo alter Elias,
vivere dicebatur. Quod vel maxime
loquuntur elegantissimi Sermones in
Cantica Salomonis; quos post melli-
fluum Doctorem continuare iussus,
tam nobili stylo usus es, ut idem in te
omnes doleant eruditi, quod in BER-
NARDO; utrumque nempe in pretio-
sissimo labore, nondum absoluto, pijs
Sponsæ divinæ amplexibus immortu-
um fuisse. *Doce me Et Bernardi Et ma-
melle dulciora scripta sic legere, ut apum
imitatus indolem, nullum florem sine lu-
oro bonæ cogitationis pratervolem.*

S. Ber-

S. BERNARDUS, ser. 57. in Cant.

Nullius omnino sermo, qui adifi-
cat ad pietatem, ad virtutem, ad mo-
res optimos, negligenter est audien-
dus, quoniam & illic iter, quo osten-
ditur salutare Dei.

Omnis
sermo
pius est
utilis.



26. Maij. 7. Cal. Jun.

BENRICE, Ludovici VII. Gal-
liarum Regis frater germane: qui anno
cùm sanctissimum Abbatem BER-

Obijt
anno
1179.

NARDUM super quibusdam nego-
tjjs aliquando consuluisse, & ex Cla-
ravalle recessurus te Congregationis
illius sanctæ precibus commendares;
vaticidico spiritu verba tua excipiens
admirabilis ille Theodidactus: *In brevi,*
subiunxit, *experimento proprio probabis,*
quantum tibi istorum proffit oratio. Nec
diu dilata est vaticinij veritas. Repen-
te enim amore divino, ac rerum terre-
narum fastidio incalescens, eâdem die
sacri ordinis habitum humillimè peti-
jsti: obtentum, non vulgaribus, sed sa-
nè regijs virtutibus exornâsti. Adeò
ut cùm aliquot pòst annis ad Insulas
Belloyacenses vocareris; renitentem
tuam

Oratio-
nis vis.

tuam ac BERNARDI humilitatem magnus ille Petrus Cluniacensis, inter alia elogia tua, his verbis ad confensum inducere conabatur. [Si vitæ meritum quæritur, magnum est. Quomodo enim non magnum est, cum de tanto tantillum se fecerit? Cum regij sanguinis, ut sic loquar, superbiam tam robusto humilitatis pede calcaverit? Cum luxus, & pleno cornu fluentes mundi delicias, tormentis innumeris, & mille mortibus commutaverit? cum undique arridentem mundum iriserit? cum abnegans semetipsum, & tollens crucem suam, Christum morientem secutus fuerit?] In illa autem dignitate docendo, & magnarum virtutum exemplis præluendo, insignem coram DEO, & hominibus gloriam adeptus es. Eras enim vir miræ continentiae, & voluntariæ paupertatis studiosissimus: in pauperes munificus; in hospitibus colligendis humanus, ac liberalis. Nulla tibi familiaritas magis cordi fuit, quàm cum viris sanctitate, & doctrinâ claris. Tandem ad thronum Archiepiscopalem Ecclesiæ Rheimensis evectus, propiùs nempe cælo admotus es; quod octennio post sanctis operibus ornatissimus conscendisti. Tu quidem, cum monasticam cucullam indu-

Elogia regnū terrenū deserētis.

Episcopi vir- tutes.


indueres, spretâ regis fratris indignatione, soli Christo regi placere studuisti. Fac ut & ego plusquam regiam Dei majestatem ita timeam offendere, ut potius vitam, ac totius mundi jacturam facere paratus sim, quàm in ullum peccatum consentire.

S. BERNARDUS, ser. 16. in Cant.

Si reum regia majestatis, quamvis humanæ, humanis legibus plecti capite sancitum est: quis finis contemnentium Divinam Omnipotentiam erit?

Fuga
peccati.

Peccatum est
crimen
lese majestatis
Divine.



27. Maj. 6. Cal. Junij.

RODOLPHE, Converse monasterij de Luka: cujus simplicem pietatem varijs revelationibus Divina bonitas consolari dignata est. Cæteris jucundior illa fuit, quæ tibi post vigilias nocturnas ad diurnos labores egresuro, & inter preces auroram expectanti, apparuit. Pendebat coram te in ligno Crucis suæ sublimis, ac pretiosissimo sanguine suo rubens Sol Justitiæ; ejus latera hinc inde cingebant quindecim alij, pariter suffixi crucibus, & meridiani solis instar fulgentes. Quos omnes

Floruit
anno
1221.


Clarus
revelationibus.

omnes cum ex facie agnosceres, esse de confratrum tuorum numero, nec tamen visionis mysterium intelligeres; ab ipso Servatore edoctus es: hos eo, *Mortificatus,* quo penderent, ordine propediem ad *cum* æternam gloriam assumendos: secum *Christo* meritò conregnaturos; utpote qui per *Cruci* jure mortificationis studium secum *affixus* modò paterentur: & postquam omnes *est.* decesserint, te denique ad eandem felicitatem istos secuturum. *Propinam* & *ego* deinceps frequentius oculis meis hoc *memoriale* immensi in me amoris divini: *inscribam* memoriae meae illa Apostoli verba: *Mihi* autem absit gloriari, nisi in *Cruc* ce Domini mei Jesu Christi.

S. BERNARDUS, ser. 61. in Cant.

*Vuln*erum *Christi* memo-
ria dul-
cis. *Frem*it mundus, *pre*mit corpus, *dia*-
bolus *ins*idiatur: non cado: funda-
tus enim sum supra firmam petram.
*Pe*ccavi peccatum grande; turbatur
conscientia, sed non perturbabitur;
quoniam *Vul*nerum Domini recor-
dabor: Nempe vulneratus est propter
iniquitates nostras.

28. May.



28. Maij. 5. Cal. Jun.

B. GUILIELME, Converse Heister Circa
 bacensis: qui præter alia dona cœ-
 lestia, perennem lacrymarum fontem ^{1215.}
 orationibus tuis devotissimis à DEO
 obtinuisti. Solebas autem ter quotidie
 largiores fletus effundere: dum nempe
 considerabas peccati gravitatem, qua
 licet injuriam summam Divinæ maje-
 stati irroget, ab infanis mortalibus tam
 raro perpenditur: inde amaritudinem
 Dominicę Passionis; quam ad eliquan-
 dum in lacrymas totum mundum, cre-
 debas sufficere, cum interea ingratum
 genus humanum vix aridis oculis tam
 immensum miserationis divinæ bene-
 ficium intueri dignaretur: denique be-
 atorum in cœlo gaudia: ad quorum
 fruitionem cupiebas totam animam
 per pia hæc stillicidia, & ardentes
 amoris gemitus, emittere. *Totidem, si
 non plures, mihi causæ suppetunt con inui-
 lacrymarum imbris. Sufficient nōi tres
 iidem fontes, qui uitam nunquam ina-
 rescant! Delicta nimirum iuventutis mea,*
*quæ Compunctionis: Vulnera Christi, quæ
 Compassionis: vita futura, quæ lacrymas
 jam timoris, jam pijs desiderij & amoris e-
 liciat.*

*Tres la-
 cryma-
 rum
 causæ.*

*Fletus
 causæ
 passim
 obvix.*

B. HE-

Floruit B. HELENA: quæ cum ipso ma-
circa terno lacte pietatem, & amorem erga
annum mellifluum BERNARDUM suxisti.
 1400 Adhuc enim propè infans, audito illi-
 us dulci nomine, aut conspectâ effigie,
Amor tanta piorum affectuum abundantia
singu- quasi obruebaris; ut non solum ad læ-
laris in titiæ lacrymas, sed etiam extra sensus
S. Ber- corporis, rapi consueveris. Cum peræ-
nardi. tatem licuit, virginibus Cisterciensibus
 in monasterio Cellensi apud Lusita-
 nos sociata, vitam ejus sanctissimam
 vigili semper memoria revolvebas. E-
Cujus rat illa tibi pro viridario amœnissimo,
vitam per cujus flosculos instar apis argu-
imita- mentosæ, alis contemplationis voli-
tur: tans, pretiosa virtutum mella legebas.
 Arridebat tibi præcipuè Fasciculus ille
conti- myrtheus, quem inter brachia gestans
nno passim à pictoribus repræsentatur. Et
marty- quàm fortiter eundem pectori tuo ad-
rio. strinxeris, demonstravit totius penè
 corpusculi continuum vulnus: quod,
 ne unquam in cicatricem coalesceret,
 novis identidem diverberationibus re-
 crudescere jussisti. Ad sanctissimi au-
 tem oneris hujus amplexum, geminus
 te incitabat amoris stimulus; BER-
 NARDI alter, alter amantissimi virgi-
 num Sponsi: cui gratissima esse lilia
 non ignorabas, quæ inter Passionis sue
 spinas


spinas florescerent. Utrique tandem in cœlo jungenda, pluribus sanctimoniarum tuarum signis in terra relictis, ex hac vita migrasti. *In utriusque dilecti tui amores accende cor meum. Ab utroque tota mentis aviditate suscipiam dulcissimum myrrha fasciculum: hic unus sit solatium anime mee, hic sit incentivum divini amoris, hic denique culcitra morientis.*

Fasci-
culus
myrrhe
dulcis.

S. BERNARDUS, ser. 70. in Cant.

O verè amandum, & totis medullis cordis amplectendū Sponsum! Quid jam cunctetur Ecclesia totā se devotione committere tam fido redditori, tam pio indulgitori, tam justo propugnatori?

Sponsus
anime
cur a-
man-
dus.



29. Maij. 4. Cal. Jun:

SS. Martyres monasterij de ZEDLIZ in Bohemia: qui in ea tempora incidistis, quibus Hussitarum hæreticorum immanis insania Nerones, Diocletianos (& si quæ pestilentiora monstra in Christianos sævierunt) è damnatis refodere cineribus, quibus sepulta est avita Germaniæ Libertas: num Diva

Passi-
circa
annum
1421.

*Herefis
insania
detesta-
bilis.*

Divinum humanumque; laceratum Jus:
conculcata pietas: protrita Fides: &
furibunda totius Orci rabies in Euro-
pæ ruinam è suis sedibus excita. Hæc
detestabilis amentia procella, cum ali-
orum quoque Ordinum monasteria
funditus evertisset, denique & in vos
intumuit. Receptatis in charitatis ho-
spitalis sinum Carthusianos, ex Asce-
terio suo Pragensi ejectos. Quo audito,
bacchantium carnificum turba, tam
hospites, quam vos, varijs lanienæ bar-
baræ torturis excruciatos, ad eam glo-
riæ palmam provexit; quam illi infer-
nalium modo ignium titiones, veluti
vobis æternum invidebunt; ita ego hu-
mili pietate aggratulor: *Ac rogo, ut me
in hac periculosa (necessaria tamen) hujus
vite militia adversus hostium malitiam,
vestris intercessionibus adjuveis.*

*Floruit
anno
1281.*


*Auste-
ritas
admi-
randa.*

B. P E T R E, Converse cœnobij Du-
nensis: qui ostensus, mentem esse
corporis dominam; quidquid in vile
mancipium herilis potestas invenit, in
carnem tuam congeffisti. Pascebas il-
lam toto religiosæ vitæ decursu, solo
pane arido, potu aquæ pro delicijs sub-
inde condito. Par cibo vestis erat, se-
tis spinisque aspera: contra quarum
molestias si fortè callum ex longa con-
suetudine obduxisset; verberibus fla-
gellorum

gellorum, dolores exaggerasti. Sic ad
 terram suam depressus homo inferior
 nulli impedimento fuit spiritui, quin
 se liberè ad superna elevaret, indeque
 cœli favoribus, præsertim prophetiæ
 illustratus reverteretur. *Mortificationi*
opponitur nimius amor sui, hostis capitalis **Amor**
virtutum: qui maximè se prodit in appe- **sui.**
tenia rerum superfluarum. Has me doce
non abjicere tantùm, sed pio etiam odio ad
exterminium usque persequi.

S. BERNARDUS, *serm. 58. in Cant.*

Tolle superflua, & salubria surgunt: **Super-**
 utilitati accedit, quidquid cupiditati **fluis a-**
 demis. Non potest virtus cum vitij **luntur**
 pariter crescere: ergo ut illa vigeat, **vitia.**
 ista crescere non sinantur.



30. Maij. 3. Cal. Junij.

B. NICOLAE, Villariensis monaste-
 rij Abbas, honestate & gravitate **Obijt**
 morum inter paucos conspicue: cujus *anno*
 verba & facta latentis sub pectore bo- **1240.**
 nitatis erant indicium: nec dubitavere,
 qui te familiariùs noverant, quin D E-
 U S, qui charitas est, sub eodem sibi e-
 legerit habitationis peculiaris sedem.

S

Sed&

*Mortē
invitat.*

Sed & Musæ ibidem sacratiores habitavere: quarum vocem suavissimam te præcinate expressit chorus psallentium, & ad posteros transmisit repetitum in demortui scrinijs poëma, quo prævisæ mortis horæ, ut olorum mos est, prælusisti. Hujus carminis initiales versiculi erunt mihi pro hodiernæ diei tessera: quos utinam in ultimo peregrinationis meæ momento, pariter cum periculi contemptu canere liceat.

*Mortis
cōtemp-
tus.*

*Tu mors es, de quâ scio, quod non parcis,
& equâ*

*Cunctos mole premis, jungens extrema
supremis:*

*Grata venis menti fessæ, Christū sument.
O mihi chara veni, solvens à compede re-
rum.*

*Hanc animam mirè cupidam patiari
abire.*

*Floruit
anno
1222.*

B. JACOBUS, monasterij S. Galgani sacerdos venerabilis: qui sub devota celebratione sacrosancti Sacrificij admirandis è cœlo visionibus frueba-

*Revela-
tioni-
bus il-
lustra-
tur.*

ris. Frequentiùs oculis tuis observata est extensa de nube lucidâ manus, lumineo, quod sacro Calici substernitur, supplicia peccatis debita inscribens; in sceleratos utique effundenda, nisi Incruenta Victimâ Divinæ Justitiæ indignationem placaret. Hujusmodi san-
ctimonie

timoniae signis celebri, sese commen-
 daverant Fratres Prædicatores, rogan-
 tes, ut novo tunc Ordini suo felicem à
 DEO propagationem impetraret. At
 cum nescires, quisnam orandi modus
 hoc in negotio gratissimus Divinae bo-
 nitati esset; Christus Servator certas ti-
 bi formulas dictavit inter Missæ sacri-
 ficium recitandas: quibus, postquam
 Apostolica autoritas accessit, & ipsi
 Prædicatores usi, plurima de cælo be-
 neficia obtinuerunt. *Felicem me! si per*
te cælitus impetravero illa gratia dona,
quibus intrâ viscera mea dignè recipiam
preium salutis meæ sub immense profun-
tatis mysterio absconditum: si fide firma,
& charitate perfecta, ceu geminis brachijs
amplectar dulcissimum animæ meæ hospiti-
um.

Pro Or-
dine

Prædi-
catorū
orat.

Evcha-
ristiæ
digna
susce-
ptio.

B. ERMENTRUDIS, Abbatissa Obijt
 in Deitkirchen: cujus vita pijsissima ex circa
 ipso sine potest æstimari. Morti enim annum
 proxima, historiam Dominicæ Passio. 1215.
 nis coram te legi præcepisti: cumque
 ad illa verba perventum esset: *In ma-*
nus tuas commendo spiritum meum: per
suavissimum amoris divini suspirium
animam emisisti: ac post beatæ Asce-
linæ gloriosa apparens, summam
 DEI in te clementiam laudavisti, quæ
 animam tuam à corpore solutam mox

Post o-
bitum
appa-
ret.


Passio
Christi
solatiū
moriē-
tium

nicæ Passionis mori, præoccupata de infelici morte victoria est. Sed ne aliter ego cedam, sacratissima illa Insignia mihi impone. Inexpugnabile erit, licet in angustijs trepidans cor meum, si horum armorum fulgore resplendeat.

S. BERNARDUS, ser. 61. in Cant.

Per vul-
nera
Christi
patet
miseri-
cordia
DEI.

Patet arcanum cordis per foramina corporis; patet magnum illud pietatis sacramentum, patent viscera misericordiae Dei nostri, in quibus visitavit nos oriens ex alto. Quidni viscera per vulnera pateant? In quo enim clariùs, quàm in vulneribus tuis eluxisset, quòd tu, Domine, suavis & mitis, & multæ misericordiae?



31. Maij. Pridie Cal. Junij.

Obijt
anno
1221.

B. STEPPO, sanctimonialium in monasterio Montis Salvatoris Sacellane: quem de alterius vitæ felicitate securum fecit Angelorum Regina: eam enim beata Margaritha vidit gestantem manu coronam, tibi in meritorum præmium destinatam. Sed revelationis

lationis fidem reliquerat ambiguum,
 genus mortis omnino alienum à vitæ *Dei ju-*
 transactæ innocentia: dum febrî ma- *dicia*
 ligna correptus, corruptis que amentia *occulta*
 sensibus, animam emisisti. Verùm cre-
 bra ad tumbam miracula ostenderunt,
 pretiosam sæpiùs in conspectu DEI
 esse mortem sanctorum, licet in oculis
 hominum æstimetur afflictio exitus il-
 lorum. *Etiam si Christus curam præpa-* *Præpa-*
rationis ad mortem non tam seriò nobis ratio ad
commendasset, tuum sanè exemplum satis mortē.
superque somnolentiam meam excitare po-
test, ne gravissimum hoc negotium ultra
procrastinando negligam: sed nunc agam,
quod decretoria illa hora me egisse optabo.

B. HERMANNE: qui à parentibus, *Obijt*
 indolem tuam pietati magis quàm sæ- *anno*
 culi vanitatibus idoneam cernentibus *1225.*
 ad studia primùm, inde ad collegium
 Canonorum Boñensium promotus,
 cùm te mundi periculis nimis vicinum
 reputares, in Hemmenrode arctiores
 vivendi canones, sub Instituto Cister-
 ciensi arripuisti. Quo id spiritu egeris,
 B. Henrico, magnæ sanctitatis ibidem *Colūba*
 Converso, DEUS ostendit: dum su- *super*
 per caput ab Abbate sacrum religionis *caput*
 habitum suscipientis, columbam can- *tyronis*
 didam conspexit: quam exinde fre- *appa-*
 quenter idem vir sanctus tibi nunc sa- *ret.*

*Tenta-
tis mirè
subve-
nit.* crificanti, nunc munia Prioris obeunt
præsentem videre meruit. Unde mi-
rum non fuit, infinita maligni spiritus
machinamenta, quibus multos infesta-
bat, per acceptam divinitus prudenti-
am tuam fuisse elisa. Torquebatur è
fratribus quidam gravibus immundi
veteratoris sagittis: cui à te consilium
petenti nihil aliud imperavisti, quam
ut redeuntem ad pristinas molestias
hostem his tantum verbis à se abigeret:
*Confessarius meus tibi præcipit, ut me re-
xare desistas.* Non huic duntaxat, sed
pluribus quoque alijs sic delegatum à
te imperium saluti fuit. Et pietati tuæ

*Dæmo-
nis lar-
vas in
vetur.* serviebat ludibrijs suis miser andabata;
dum sub divinis laudibus modò specie
immanis Æthiopis, modò rustici
hominis monstroso schemate, quin &
caudæ vulpinæ figurâ oblatu, suosti-
bi conatus detexit; quos tu mox aut
monitis paternis prævenire, aut orati-
onum armis dissipare solebas. Inter tot
utilissimas curas licet fatigari nescires,

*Revela-
tur illi
futura
promo-
tio.* subesse tamen quam præesse malueras.
Descendebat nimirum humilitas tua,
altiùs statim ascensura. Id jucunda, &
mysterijs plena visio tibi præmonstra-
vit; ex qua & futuram promotionem,
& ejusdem successum clarè cognovisti.
Missus igitur ad construendum mona-
sterium

sterium Heisterbacense, liberalitate Aleidis, pijsimæ Fundatricis, per annos circiter quinque novellam plantationem ad uberrimos sanctimonix fructus educasti. Quâ mortuâ, impij heredes in bona jam dudum DEO sacrata involantes, tantum lucri diris vexationibus reportaverunt; ut divinâ in eos desæviente vindictâ, horribili omnes morte interierint. Nondum sedata erat hæc tempestas, cùm ex Heisterbacho tuo Hemmenrodem revocatus es, ac illius cœnobij gubernaculo admotus. Secuturi erant omnes filij Heisterbacenses, ut à prædonum furore liberis, in materno tecum gremio vivere liceret. Quibus ob intempestivos metus increpitis, tridui orationem imperasti. Quo elapso, per visum tibi opem promisit afflictorum solatium MARIA manu gestans ramum spinæ sylvestris, flore recenti, contra hiemalis tunc morem temporis, vernantem: jussitque locum indagare, in quo ejusmodi vepretum inter emortua frigore arboreta floreret. Mox reperto prodigiosi germinis indicio, fixæ ibidem novę sedi inditum nomen, Loci S. MARIÆ. Sed aspirans ad meliores tandem sedes anima, nondum perfecto opere, ad cœlos evolavit. *Iterum recentem mihi*

*Dei ira
in bono-
rum sa-
crore
in vaso-
res.*

*B. V. o-
pem af-
fert af-
flicto.*

Fiducia *ad lris stimulum, totâ mentis fiducia com-*
mittendi me Piſſimæ Deiparenti. Scio, ea-
dem eſt illi ſolicitudo de mortalium ſalute,
quæ Filio, qui venit quærere, & ſalvum
facere, quod perierat.

Regimē *B. FULCO, ſummæ perfectionis*
indefeſſe ſectator. Vivebas in celebri
dimiſit Savigniacenſium Congregatione lau-
anno dabiliter: auditâ tamen B. Ligerij fa-
1137. mâ, quâ tunc eremum Dunenſem il-

Inſidi- *cus ſurrecturi aliquando monaſterij*
as de- ſanctimoniam, quam ob cauſam te,
monis viſibiliter importunus, à propoſito de-
contem- terrere conabatur: ſed irritò labore. In
nit. dies enim creſcente diſcipulorum nu-

Fit ex *quero, eremitorium tranſiit in am-*
Abbate pliffimum cœnobium, in quo Savi-
tyro. gniacenſium leges à te inducte, rigidif-
ſimè obſervabantur. At ne ſic quidem
acquievit fervor ille tuus, ad altiora
ſemper contendens. Occaſionem exe-
quendi, quod diu agitaveras, conſilij
præbuit tua promotio ad dignitatem
Abbatialem: quæ cùm humili animo
eſſet graviffima, ad Claravallem ſe-
ceſſiſti: ubi à ſancto Patriarcha BER-
NARDO multis precibus impetrâſti,
ut te inter tyrones recepto, filiorum
ſuorum chariffimum (ſibi nempe in
Claravalle

Claravalle successurum) B. Robertum
 Dunensibus præfecerit. Hic desiderij
 tui summam adeptus, ita ultimos vitæ
 annos transcurristi, ut tantum in tanto
 filio Patrem nemo non agnosceret, &
 veneraretur. Terra, licet infœcunda, cul-
 ta tamen, fructus producit. Sterilem ergo
 cordis mei agrum, exemplo indefessi fervo-
 ris tui me doce diligentius excolere: nullus
 hic labor suo fructu carebit.

S. BERNARDUS, ser. 63. in Cant.

Viro sapienti sua vita vinea est, sua Sapien-
 mens, sua conscientia: nihil quippe in-
 cultum desertumve in se sapiens dere-
 linquet. Stultus non ita. Cuncta apud
 eum neglecta invenies, cuncta jacen-
 tia, cuncta inculta & sordida.

ris &
 stulti
 discrimen.

